

長塘徐氏族譜序

余邇人之有祖猶木之有水水之有源也誠知木之不可以無本水之不可以無源而人豈可以忘其祖乎忘祖者謂之不孝信然也吾族得姓自伯益之後受封於徐因國爲氏以來其子姓散居他省者不可勝稽其由北平之豫章由豫章之諸暨由諸暨之義烏而江南之徐所由來也嗟乎徐氏之節槩文章功業班炳史冊昭垂今古然世遠年湮舊譜亦無傳証今惟以方之祖父諱倬行伯十五登仕公者由義烏龍陂而徙金華長塘已經三葉而爲長塘之始遷祖而登仕公之十世祖時敏公者爲吳越常侍自諸暨遷義烏爲龍陂之鼻祖而諱臘者則五世祖而登仕公爲臘之六世孫焉臘生舜

臣舜臣生世都仕至朝議大夫生三子文猷文學文猷
而文猷生三子人傑人鑑人瑞而人傑生三子曰侃曰
倬曰僑倬則方之祖父僑則文清公也文清公之裔徐
塘下在城黃樓巷之宅是也登仕郎之裔長塘良溪下
余井頭之派是也據龍陂五世祖分居異處者東陽玉
山祖人仕金華蘭背祖人佳括蒼麗水祖貞四府君三
人者皆朝議公之孫舊譜已載之詳而余亦仍其舊故
書於長塘譜之右俾後世子孫知木本水源之有自
大父登仕府君生我父千五知州府君伯叔考共七
人遷之下余遷之井頭遷之良溪分遷不一惟我父則
生長於長塘而樂居於斯也予之昆季則六人焉因後
之子孫輩少長未齊難預枚其數也惟大父離其故址

裹糴囊橐往來風雨不知幾枯心血幾勞筋力際此山
川之美土田之腴風俗之淳而爲創業垂統之規且其
傳家清白止以漢詔韋經幽詩家禮爲後人世守之模
願我之子子孫承乘不替以步我父之舊武而皆
賢皆達遙遙華胄之無艾焉猶恐世遠人忘而後不知
前之所創前不知後之有承故書其世系與夫分遷以
爲後嗣者鑑謹爲之序

皆

宋寶慶元年歲次乙酉夏四月朔旦

孫方叔矩氏謹識

重修長塘宗譜序

族無統者蓋由宗法之廢無統則親疎莫以辨世有傳者惟由譜之有傳則昭穆得其倫得其倫則親親而尊尊千載如一日矣是以尊祖莫先於睦族睦族莫要於重譜也今徐愚氏追思家譜之曠於修葺而以舊譜示予欲重輯而新之俾九族之親昭然如指諸掌而不失親親之恩以垂統嗣之不替也噫徐愚氏之用心孝其懋矣乎余按其宗譜井頭下余良溪長塘則皆伯十五登仕府君之裔也府君生七子星散別區惟千五知州世居於斯故長塘之族知州一派之所遺焉他如義烏清安里徐塘下下施皆龍陂之分遷而黃樓巷車頭俞村又下施之支分而家譜行第之未詳由異居故也長

塘另自爲譜斷以文清公之兄諱倬爲長塘之始祖也
下及徐愚氏則七世矣而徐氏出伯益之後國於徐因
以爲氏世以文德爲治嗣後子孫散居四方名公巨族
繼跡史書者十望八九而徐族益著於海內矣然三世
祖方公已備書其遷徙於殊方者余亦不復書也惟徐
氏以淳厚力本詩禮敦睦傳家而愚氏又亟函於重譜
牒辨昭穆聯親踈以明尊尊親親之道爲雲仍奕葉弗
替之模後允之賢亦當體先人之志而勿忘愚氏之用
心可也是爲序

皆

元皇慶二年歲次癸丑秋八月旣望

同邑眷生素庵王守禮書

重修長塘徐氏宗譜序

余觀史而知歷代之污隆余讀譜而知傳世之涼顛故家之有譜猶國之有史也而譜乃孝弟所關人倫攸係奚嘗亞於史乎澄雖不敏欲追先世之德冀後裔之昌

遡思譜牒之立於三世祖方修於七世祖愚經今六十秋矣苟於是而弗重葺則繼述隳於久遠孝義懈於親疎罔知木本水源之有自則序其世系列其昭穆俾九服之親昭然在目庶生有慶死有弔而不至相視如途人也余不憚勞祇以操觚弄翰而校証於週星藁始落成于庚午春三月也然譜旣續而知一本之相親烏得已夫企慕之私乎自吾始遷祖伯十五府君爲登仕郎二世祖千五府君仕知州三世祖秀四府君以

才補京辟雍尙舍將聽選而卒于京邸自斯以往值大
元罷科舉公車之業廢而人鮮仕進之途比閭之民俱
安於力食是以寥寥闕絕無一顯者亦能確守先世之
德誠知尊祖睦族之情而無有玷於宗風今澄屆壯年
當聖明之期而書香一脉尙未紹其傳噫由是觀之
譜雖僅續余心寧弗知愧而慚負夫先人也耶

皆

景泰元年歲次庚午春三月朔日蘇公登熈年

九世孫道澄頓首書

景泰元年歲次庚午春三月朔日蘇公登熈年九世孫道澄頓首書

重修長塘徐氏宗譜序

予乃伯十五登仕府君之十一世孫嘗欲睦族敦行孝弟有志焉而未之逮每抱歉於懷而不容以少置故於譜焉庸心庶幾以釋不孝之罪是故先正有云不修譜者謂之忘祖忘祖者謂之不孝蘓公豈欺我哉邈余徐氏譜作於方公三世祖修於愚公七世祖重修於道澄公九世祖而譜之累修葺於昔者有其人矣苟於是而不重輯譜以聯之則九服之親信疎且遠矣延蔓忘恩族屬無序而喪不知所以弔吉不知所以賀不至於擯棄若路人者幾希何有孝弟之聿興乎故余則勞心焦思夙夜皇皇考求族屬房分質其生年卒塋長幼齒序編集族譜一帙俾尊者知所以尊焉親者知所


以親焉於是尊尊而親親興孝而興弟而爲禮義之族
可也否則渙散何以收尊卑何以定昭穆何以有別哉
若夫長塘以前之遷徙於別邑異處者三世 祖方公
七世 祖愚公已載之詳予亦不必多贅但與彼各一
方途路遼邈自析居以後其昭穆行第不得彼此相通
亦勢之無可如何者耳思言及此盖以一同木本水源
之所自而不能已於懷也脫彼此有光前裕後榮親顯
祖之子孫出焉他日持宗譜而會之烏可不預言乎此
以識之不然詎不至於崇韜拜子儀之墓以取識者之
誚乎姑誌之以俟

皆

宏治十二年歲次己未冬一陽月望旦

重修長塘徐氏族譜序

天下之道無古今惟知道者爲之羽翼天下之事有輕重惟知事者爲之權衡苟不得其人則道與事罔然矣故道廢於不仁而事隳於不知也烏可爲之人乎金華長塘之徐氏龍溪龍泉見山三君子者以人道莫先於尊祖而敬宗而敬宗莫要於重族譜於是謀之族屬之賢能者奮然而回謀協幹乃走幣聘余輯其舊而新之余惟譜孝弟之書也譜立則於宗祖爲不忘而記生德之所自於宗族爲有攝而知一本之當親於子孫爲有訓而知不率之當戒三善具而百行通親親舉而民物



備是譜之爲功大矣使譜立而有傳有傳而不葺則前者腐以滅中者間以斷後者不可得而續於斯時也雖有孝子慈孫莫克紀其祖之源曳其族之派則孝弟之道幾乎熄矣能無憾乎諸君子知其然而舉之可謂識達今古知輕以重能衛道而立事者也吾成其美焉按舊譜徐氏之來甚遠諱文綱府君者由豫章而徙居於越臘府君由越徙於諸暨婺之義烏徐湖後徙丹溪之蒲墟迄五世有諱人傑人仕人佳人信者而人仕徙居東陽之玉山人佳徙居金華之蘭背人信徙居處州之麗水而人傑生三子曰侃曰倬曰僑僑則文清公世居義烏黃樓巷徐塘下其裔也而倬則行伯十五登仕析居金華之長塘而次子行千五知州之子孫則

世居於長塘經今已十五葉矣源分派別班班具彰無容論矣但其簡袞繁重艱於持閱釐爲一十卷是余僭爲之意焉近代編錄世系先後相次是余取其名諱而僭爲之填焉其提綱之下置爲小序所以總其意而引其端也篇章之末置爲論說所以竊史氏之法以致丁寧之意也若其越之諸暨而遷義烏之徐湖由徐湖而遷丹溪之蒲墟其地卽龍陂也諱倬則爲金華長塘之始遷祖六世以前者則據其文獻傳舊而已自倬府君以下有文傳襲筆而不削亦無所加焉推其得姓得氏歷代源流則見於原姓篇劊修譜牒顯法微旨則見於譜凡例二者舊之不足余竊補之又若大傳小傳之與特傳贊記等作實則有徵皆不誣也譜成而後付之

諸君子謂之曰夫道人倫之條貫萬化之機軸也聖人
以之載於經國王以之載於史家則載於譜焉故譜立
而道存也諸君子知其然而舉之則譜由諸君子權而
貴道由諸君子翼而傳仁與智兼之矣使不仁而非智
其能然乎諸君謙退不敢當而復有言曰輕譜者不尊
祖不敬宗爲忘祖忘祖者爲不孝不親親不睦族爲絕
類孝弟一虧百行皆廢誠足徵也敢不以譜爲珍重乎
諸君曰諾謹寶之以有傳是爲序

朱省

嘉靖三十六年歲次丁巳秋七月望旦

義烏晚生川塘方中夢梅氏撰

徐氏重修族譜序

余聞昔賢有言曰由百世之後等百世之王莫之能違
蓋循禮樂以知德政也故居今邈古酌古準今上鏡水
木本源而下綿千秋瓜瓞引之弗替者惟茲譜法燦如
日星也亦惟是孝子慈孫世世重修若源泉汨汨一派
前導而一流隨之又如松柏之茂無不承焉始爲彰美
盛傳而奕葉雲仍得馮藉而興起式嘉賴之矣予觀長
塘徐氏家譜其先實出自偃王代有薦紳班班可考徐
氏信古婺望族乎稽其譜三世孫諱方者修於大宋寶
慶之元年由宋迄元迨我皇明凡四百餘載其間經修
葺者凡五徃自嘉靖丁巳孫九功等重修今又閱六十
載矣邇來子姓蕃衍居址狹隘有夾皇澗邈過澗之遺

風焉於是。有別遷靈嶽者。有遷泉塘上湖。及臨江者。率皆林林而生。境壤遼隔。其族食宴會吉凶慶弔。絕不相通者。有之。毋乃一本而途人乎。苟無以紹前修。萃渙合離之謂何。孫學書。學道學孔學中學。恭仲峯。孟寧蒿。目籌焉。遂謀之族衆甲可乙否。以之始克。定議爲之。次序昭穆。多方考訂。及料理剗削。支費以襄大事。逮考訂既定。仍遵舊例。纂修或爲名下傳。或別爲小傳。行狀墓誌詩文。總之視昔。加詳稍剖。固陋爲文明。敬請義邑樓松坡居士。鋟梓閱二載而役告竣矣。問叙於余。余曰。是役也。尊祖而敬宗。光前而裕後。甚盛典也。余更有進焉。余觀徐氏自雙峯發脉。蜿蜒而來。馬鞍列屏。青游壁立。他如嶠華白石。余黃虎洞之勝。歷歷如畫。羣小山纍纍錯

落四顧蒼茫何異生甫及申之嵩嶽乎山川風氣劃焉
開朗鍾爲人文娟秀翩翩諸年少含英咀華良可羨也
將來科第蟬聯卽江左王謝之衣冠可望保世滋大於
列祖不休有烈光哉而於徐氏譜亦爛然生色矣吾願
賢子孫勗焉

萬歷丁巳歲季秋月

邑庠李遂茂榮甫撰

徐氏重修族譜序

嘗觀唐宋諸君子族譜之作其與宗人勉德規失紹先
開後所裨益於化教者豈淺鮮哉古者井里之間相友
相助今則一族之中若不相識古者春秋合祭置有義

田以所餘給其困乏今則伯叔兄弟休戚不與何論五
寒服九族以外也古者家人以齒不以貴今則士大夫都
高位擁厚積而視族人之肥瘠不啻如秦越焉由此言
之族譜之不講誠衰世之風矣余秉鐸長山得交於徐
子洪章字闇如觀其語言文辭溫柔謙慎食餼於黽庠
哀然望重一時憤今世之不復有古道也於是循遵族
舉考合族之昭穆詳其子姓所自出訂輯族譜嗚呼其
志豈出古君子下哉徐氏始基於義烏徐塘自簡齋先
生偕弟毅齋先生遷於婺邑十都長塘負笈遊於呂成
公之門俱爲大儒政治炳史冊由宋迄明世有傳人相
繼而見族日益繁其子孫徙居於外者多處所矣泉塘
之有徐氏舊名上湖者則自明萬歷間徐子洪章之曾

祖由長塘而來是為道齋翁也今又閱五世邇其先之
 有族譜繕修者凡六次蓋自萬歷丁巳修譜而後族既
 椒衍居又星散徐氏族惴惴焉惟統系失序不獲如厥
 初是懼因聚族設局重修族譜不忘本也嗟乎祖先之
 傳後欲子孫守而弗墜徐族有此舉誠足以敦宗誼而
 使世世子孫必有賴也夫水木本源仁人君子所極不
 忘耳余嘉徐氏族之志之有合於古君子而尤重徐子
 洪章品詣卓然冠儕偶將由是而揚祖烈以光裕後人
 其建立政未可量也因推其意而序之

高峇維

康熙二十九年歲次庚午陽月之吉

壬子舉人司鐸長山 年家眷弟鍾之枚拜撰

徐氏重修宗譜序

從來宗譜之設所以崇祖先別世系也嘗觀天下之水皆發源於星宿後別而爲江漢爲淮河爲汶泗千流萬壑不可勝紀又安從遡而指之曰若者源出某若者源出某也哉人之於祖也亦然蓋人之生莫不本乎一祖其後子孫蕃衍寢昌寢熾無論散處四方寄寓異地者對面不相識若路人然卽聚廬而處或至尊卑長幼茫然無定此世道所以日偷人心所以日漓也先王慮之爰制爲宗譜上自天潢之派命史官時修玉牒下至鄉大夫士庶之族莫不各有家乘別其行字疏其支派追其統系若者分自某遠祖下若者分自某近祖下爲親爲從爲再從卽推之不已而開卷了然循流而溯源也

而吾親親之意愛敬之心亦可油然而生矣吾郡徐氏
金華之望族也其秀者溫文而爾雅其樸者質素而力
田型仁講讓彬彬然有古處風焉其譜創自大宋寶慶
之元年由宋而元而明修輯者凡五由明迄清七十餘
載未遑重修其族之老成賢達若諱應臣字爾忠若諱
應昊字昭如若諱應褚字公彩若諱應宇字于大者爰
喟然興嘆曰家譜之設所係甚重奈何使寥寥數十年
曠焉不修乎爰擇族中之賢且能者分董其事延古稠
陳公錫賈泮輔尊儒三賢達主纂輯棗梨之任始於庚
午之春屆辛未之冬而告竣爰是昭穆之序尊卑之別
長幼之次釐然可觀而且凡居是鄉者仕宦之來歷爲
人之卓異無不詳載而記錄之使夫披覽之下起敬起

恭則家乘也而儼然國史矣其爲禪於世道人心豈淺
鮮哉予忝同隄又居鄰近稔知其族之巔末因欣然而
樂爲之序

康熙歲次辛未蒲月之吉 同郡歲進士陳賓頓首拜撰

譜成贈族長序

古云莫爲之前雖美而難舉莫爲之後雖盛而不傳是
前者創端恃後者之續也故聖人以繼志述事稱爲達
孝宗法始於武夷着山後人藉之以敦孝弟孝弟敦而
美族成譜之重修達孝之一也吾族家譜創於大宋寶
慶之元年而宋而元而明修葺者凡五由明而清七十

康熙三十年辛未仲秋之吉

愚兄應宰公調甫頓首拜撰

族重修長塘徐氏族譜序

嘗謂家之有政與國之有政有以異乎無以異也國之有政所以飭紀綱彰教化合萬族於一道同風之盛而家之慈孝友恭敦倫肇紀大家之風範卽徵治化之隆乎家與國蓋相表裏者也夫何異然國之紀綱法度賴有故府典章先王固已著有成書煌煌垂憲以爲後世善俗誠民所準型而使家之中祖德宗功未遑鐫表統系昭穆不勝混淆豈惟委先人於草莽行且世世子孫蕩檢踰閑越分于紀不至視周親如陌路等家法於弁

髦乎而於一本親族之謂何其忍踈且乖也家風之替
猶然治術之污矣此古之人所以兢兢於族譜之作以
爲風俗人心禪者意綦深哉吾族徐氏自伯益得姓由
來舊矣近稽長塘始遷之祖則自毅齋登仕公徙由
義烏徐塘是爲本族一世統宗始而毅齋文清公其
弟也由宋迄明代有傳人仕宦紳衿暨夫孝義貞節載
在譜牒班班可考六次經修者固已無憾於前矣而自
明萬歷丁巳年一修逮今已越七十載其間子姓日蕃
外遷復衆尊卑之位列不分長幼之齒序莫辨伯叔之
班幾同已輦道路之逢漠若途人甚至賢哲挺英彙隆
名望將湮沒而無聞孝子仁人義夫節婦亦沉淪而不
著嗚呼善人奇行之莫表觀型效法其何從且無論昭

穆失次親誼不聯爲一族弊也苟以世閱世因陋就簡
無族譜以維家政是爲亂族亂族者忘祖也不孝孰大
哉甚矣譜之不可不作而修之尤不可不亟亟也今十
六世孫應臣字爾忠應昊字昭如應褚字公彩應宇字
于大十七世孫諱懋瑚字六如者惴惴焉重爲此懼爰
鳩族衆設局纂修俾丁巳成冊以後昭穆燦然復序昆
季秩然不淆卑不踰尊疎不踰戚也善狀仍立傳以表
之逆惡則行列不與焉揚美以勸善摘惡以垂戒也或
聚族而同處知齒可以合愛或異遷而散居問名於以
同敬親情篤族誼聯也是則纂輯之功近以紹繕修之
宗祖有繼美焉遠以契創作之古人有同心焉始祖之
緒賴以永存而弗墜而家聲之振行且爲觀風者所採

金華長塘徐氏宗譜
卷之二
三

以登美俗而徵善治焉家政之整肅賴譜牒之重修其
功顧淺鮮哉後數十年族將益寢盛余復重有望於修
之者之孝子慈孫矣謹序 肯

康熙二十九年歲次庚午陽月穀旦

十七世孫郡庠廩生洪章薰沐拜撰

長塘徐氏七修宗譜序

王道於何而興乎風俗之美也風俗於何而美乎民人
之相親睦也三代之隆井田制善使其比閭族黨安土
樂天相歡相愛又有詩書禮樂孝弟忠信介潔尙義力
本累積之教揭於觀藏於府懸之象魏播之月吉郁郁
乎其文也洋洋乎其聲也井井乎其條也其民耳聞目
擊身漸體習大化浹洽培風俗於數百年之前綿善效

於數百年之後規模宏遠豈偶哉秦漢而下法令峻急
古道不復致民漓其歡愛之心一國之俗而家各有法
一家之法而人各有心紛紛散亂而不相係屬者非一
朝一夕之故也嗟乎昧谷饑日之後暘谷賔日之前不
有燭焉以代明則幾幾乎其長夜矣此廬陵眉山氏之
亟亟於大宗小宗以收不相屬之人心也洵有賴焉吾
族自

伯十五府君始遷逮今二十有世矣譜牒之傳凡六修
矣先澤所垂有詩書禮樂孝弟忠信介潔尙義力本累
積傳家者子孫世守亦庶幾爲美俗矣然而世不能常
留也人不能常存也子孫不能常一也家法不能常伸
也亦勢之無可如何者耳雖然道有樞言有會柁移則

舟轉輪運則車行古之人有於廣廈細旃之上從容而
基治平之原者固未嘗假勢位恃權力也東坡先生曰
匹夫而化鄉人者惟積之有本末而施之有序次耳茲
裔孫應臣應昊應禘應宇欲追先德而收人心以敦親
睦故於舊乘列傳之原流分派之昭穆以及正倫理篤
恩義之譜例家法與規與約而更新之且增益其所未
備若詩若文若傳若記行狀墓誌誄表有關於闡祖
德淑遺裔者悉以付之梓噫嘻新譜者在今日而自新
者亦在今日詩曰毋念爾祖聿修厥德又曰夙興夜寐
無忝爾所生爲我族之子孫誠勤學勵行使夫詩書禮
樂之教弗墜孝弟忠信之風益增介潔尙義力本累積
之戒愈敦庶乎能念爾祖不忝所生又何俗之不媿美

三代而觀王道於一方哉若夫進而上之爲聖爲賢或以道德或以文章或以勛業佐

聖天子太平俾天下之大比屋可風著當時聞後世以光昭其先爲斯譜榮洵有望於後啟者

康熙三十年歲次辛未仲夏月之吉

十六世孫邑庠生應宿撰

長塘八修宗譜序

世謂家之有譜猶國之有史予竊思之殊不謂然夫史在編年紀月據事直書備一代之實錄及其修也必俟諸易世之久而一時之賢奸忠佞文章功業之大緘之金匱石室中致令讀史者經數百載後不勝咨嗟而痛

恨之當時則榮沒則醜焉生前雖屈以彌伸焉示炯戒也至於譜家事也所叙者昭穆昭穆至五世而一斬矣所重者尊卑尊卑至服降而遞減矣所別者親疎遠近親疎遠近至星散而三分五落矣且夫人生斯世百年其大較也故三十年爲一世以元會運統論則一世不啻三十日以人壽百歲計則一世已近百之半少者壯壯者老老者死語曰大行受大名細行受細名閭里中有如于父母則孝于兄弟則友于然諾不侵於義利不苟制行如是謂非閭里中之完人哉然而身死名滅不亦悲夫嗚呼吾族之譜修于康熙辛未迄今已五十六年其間存亡興廢分合異同湮沒莫稽者業已過半而乃觀望徘徊豈非紛雜煩劇實難勝任而愉快哉昔維

乾隆十一年春衆譜長協謀祠內曰及今不修煩劇且甚於是卜吉於本年五月朔有六日告廟開局任奔走者跋山涉川不辭辛苦以通其血脉雖枝分派析不致有中斷之悲任理財者秉公出入因盈縮緩急以時相筭歛而那移乾沒之弊且無自生焉其在局內總理者懃懃懇懇傳聞以耳傳信以人搜尋磨勘至再至三猶恐疑竇未盡詳審繼以終夜沉思叅究的確望誤凌獵庶幾其免矣乎語曰不遇盤根錯節無以別利器猗歟美哉微諸君子才力優爲顧安得使尊卑遠近褒德錄賢井井然星羅碁布瞭如指掌如是哉吾願後生小子欲續譜事者庶幾鑒以遠之失或二十年或三十年修之較易不然煩劇且難舉矣勉旃勉旃

譜首名次開後

西邊

光喜

寶生

長房

懋洵

光彬

光雲

光持

學名

虎生

郭生

三房

光書

光昞

考名

光暇

考名

光明

光金

考名

光懷

試名

三房

光偉

光黨

光懷

試名

金生

長生

四房

光餘

光援

西畝

聖俊


羅村

貴妹

淶塘

光祿

光皎



石龍頭

永淙

永文

大路

自鏗

自俊

同修

皆

皇清乾隆十一年歲次丙寅孟冬中浣之二日

然其繁且微矣而十八世孫邑庠生光昊

名考繼清謹撰

九修長塘宗譜序

夫家譜之作起於大宋而纂修之舉恃乎裔孫譜之不

修微獨支流無稽抑亦本源莫辨所以先人宗譜之遺

正欲後人增而葺之者也吾族自簡齋公遷居以來

歷朝有四而譜牒之修已經其八凡夫序尊卑別長幼

遍閱舊序俱已歷載詳明參究的確藐予小子何須再

贅予竊思上次修譜自康熙辛未以至乾隆丙寅總計

年數約五十年有奇而族譜始修其間興廢存沒前後
忘亡殊難備紀其詳細推究其確實非賴族祖光炁等
細心叅問沉靜磨勘至今日而尊卑長幼安克昭星月
而煇如山海是以身歷艱難因示後世賢孫於修譜一
事不可遷延久遠以致繁劇難任故其叙末有云或二
十年或三十年修之較易誠哉是言也舊歲甲午之秋
衆族長惻然興感約同宗族計議祠內曰族譜當修不
然其繁且劇矣而宗族咸歡欣鼓舞慷慨樂從相與擇
吉於明年八月朔日特牲告廟鳩工開局由今溯之
豈不合三十年之數耶然當日至之時衆族長又皆踴
躍從公悉心任事凡夫秉公出入與贊勸譜事以及監
理譜局者亦能細心沉靜而觀厥成功致使前之尊卑

序者後亦繼之前之長幼別者後亦承之近可以明支
派之分流遠可以追先世之一本凡此者果譜之易修
耶抑合三十年而修之故耶伏願後之視今亦猶今之
視昔繼繼承承永以此爲修譜不易之則焉又何有繁
劇之可慮哉噫予不自揆猥爲之序不過因事紀事爲
不沒此番實績以無忘乃祖之意云爾厥後賢孫遇修
譜之事觀譜序之異同必能亮余之心也夫是爲序

譜首名次開後

董理譜事

光燾

啟貞

澗生

方生

記生

爲珩

爲善

爲敏

輔理譜事

瑞麟

瑞武

召堤

足生

汪生

聖文

啟福

路生

長塘九修宗譜序

嘗觀天下事善始者貴善其繼善作者貴善其守故曰
大業創之者難而守之者不易是說也可爲吾族之宗譜鑒
吾族自伯十五府君登仕公遷居以來由宋而元而
明而清歷代有四譜經八修矣其修譜之期或遠或近
不克同歸一轍然考其尊卑之分別行第之先後生卒
之異同至於今洞如觀火皎若列眉如賈昌之說故事
歷歷目前馬援之畫山川曲折具見非前輩細心叅閱
稽查確實安克如是哉嗣是而後或可因仍守舊而不
必目爲急務焉可矣雖然歲月如流盛衰異變轉盼間
屈指已成霄壤前之新者今已成爲舊矣前之卑者今
已位居尊矣前之生者今或變爲卒矣遞而言之分居

者戶口之興衰婚娶者姓氏之異同譜重事也豈可任
其散漫于數十年之中而不爲之修耶是以甲午之秋
族長慨然動念會議修譜一事倡之者數人從而和者
數十人於是卜吉于乙未八月朔日告廟開局衆譜首
亦皆踴躍任事相與樂厥成功于是尊卑以序長幼以
別生卒以分斯事也體先人之志示後人之的誠善繼
善述之良謀也予小子夙有仰稽宗事之志今躬在局
內親逢盛事承長者之命不辭識陋爰爲之序

晉崑

自

十五

年

登

卦

公

大清乾隆四十一年歲次丙申仲夏中浣穀旦

燕文宗譜

晉崑天不專善欲皆貴善其數善二十世孫爲孝謹誌

長塘十修宗譜序

蓋聞家之有譜所以別遠近而序昭穆明尊卑而分長幼重本篤親使後世子孫不敢忘其所自也然而枝分派衍系序易淆遷析離居本源罔識非筆之於譜將數世以還茫然不知祖考所自出裔孫何自來或相視如秦越焉故譜之作於遷徙分居之初者誠亟而續於子孫蕃衍之日者尤不容緩也余族自伯十五府君遷居以來宗譜之修已續其九其間尊卑長幼行第旣已詳明遠近昭穆分合亦復精當舊牘相承無容叅究迄今派下孫子居在長塘者寢熾寢昌分遷異域者日繁日盛譜若不修以之而親者踈矣又以之而踈者遠矣矧分疆異地系叙以闕其相視若秦越者勢也是以派

下老成人見夫年深月久孫子繁多於是皇然動念會
同宗族相聚而議于祠曰本宗繁盛少壯鱗集譜當續
修不然生者之歲月常記矣率後之日期必多遺忘再
過數世事難勝任衆皆樂爲之從無有一人以異其議
自是而銓首以董其事輔理以核其功定議于八月望
後特牲告 廟鳩工纂輯當其時或勞心以秉公出入
或勞力以徧告遠方或細心以校對叅閱無不竭其心
力以殫其精神自秋至來春而枣梨始竣由是而譜牒
旣成之後凡內外遠近雖各祖其祖各孫其孫而按譜
以稽森然一祖所遺譬諸黃河之水千里九曲穿龍門
過積石以達于海其始固同源星宿也自後而觀斯譜
油然而孝敬以生藹然而禮讓以接誦讀而取科名力

農而務耕作興仁興讓重本篤親以不忘其所自是則

有望於後世之賢孫予不辭固陋畧爲之序

譜首名次列載於後

爲首事 爲聖房長 爲楠房三

爲善房二 爲裘房三 爲珮房長 爲登房四

廣臣泉塘 恭生房四 椒生房長 昌生石龍頭

爲祖西畝 爲鳳西邊 爲詩房長 爲聰房長


爲發大路 爲垣西畝 發遠房三 爲福泉塘

爲侑泉塘 爲浩泉塘 爲日房長 爲台房二

爲陞房四 爲溢大路 兆秀西畝 兆忠房三

兆格房三 兆忠西邊 兆雨羅村 兆宏房二

兆祭西邊 兆潮房三 兆魁石龍頭



綜纂 兆巖三房 考重輝

分纂 為發四房 考元達

校訂 為可二房 考繼先 兆衍三房 考耀輝

校刊 美音長房 試音

對讀 兆潮三房 考景輝

皆 姓 考 景輝

大清嘉慶十五年歲次庚午孟春之吉


董 二十世孫邑庠生為發考名元達謹撰

首 考 景輝

以 考 景輝

考 景輝

考 景輝



長塘十修宗譜序

今夫族之聚也莫重於譜而譜之作也又貴於修此古
之人所由於譜爲家寶且卽於修譜一事垂爲懿訓也
吾族宗譜自宋而元而明逮我

朝乾隆丙申九修而後寒暑相嬗已三十四年矣熙熙而
揮汗成雨攘乚而呵氣成雲由世處以及分遷生齒浩
繁旣不等星霜之寥落而或不及時修葺日延一日吾
恐自今以往卽有起而欲襄此舉必致嘅亂於棼絲是
以衆族長惻然動念會議銓首或爲董理與輔理或爲
總參與分參或爲較刊較梓與對讀選得其人卜吉于
己巳秋八月特牲告廟開局刷印越庚午之春告厥
成功繼九修而爲十矣雖按諸二十年一續三十年一

修之規卒過其數然死生有紀不至散漫而無統會上
以紹前人之制作下以啟後嗣之宏模悉是修之力居
多吾故曰族莫重於譜譜又貴於修其以此夫若夫序
昭穆別長幼辨尊卑先人已言之數前序亦載之詳奚
容再贅爲哉第予生不敏敬承尊命而得躬襄其盛舉
遂不念固陋貽譏而樂爲之序焉爾

皆

嘉慶十五年歲次庚午春正月

二十一世孫兆潮考名景輝敬題

朱子十修宗譜校正字記

譜牒之修尙矣修譜牒所以明世系定尊卑辨親疎
別昭穆也吾族自始遷祖伯十五府君擇處發祥

卜築斯地由宋迄今孫枝蔓衍九修以前鴻章鉅製

先輩歷叙之詳矣又何容巖之重述其巔末耶茲故

不敢附以贅疣而冒昧秉筆妄厠乎諸先輩之列而

置喙也祇惟是奉令承教疏附後先已耳不意諸先

至聖輩弗以巖爲不肖命巖叅訂其字巖不禁慄慄危懼

若將隕於深淵倘不克仔肩不幾有負諸先輩之辱

委乎竊思伊古以來載籍極博攷之卷帙鮮有點畫

凡當不能不有帝虎魯魚之誤者吾族宗譜豈曰無

之于是屏絕塵務公爾忘私聚精會神永朝永夕將

前九修之舊譜捧讀而彙校焉其中有應避本


朝

廟諱

御名與

至聖諱字樣悉皆敬遵


欽定所頒謹行釐正凡夫傳記贊銘序文行狀遇有鐫雕錯
誤則塗改之遇有刷印陋遺則添註之非云作聰明
亂舊章也至若譜圖名字有所觸犯無論歷代祖先
居今裔派係五服內槩以同音者易之間又有有諱
無行有行無諱以及生卒無年月日時弟兄倒置彼
此不符者罔弗校正焉然信以示信疑以傳疑攷據
未審姑存春秋夏五郭公之例以俟後之君子細加



參校是舉也僭妄之罪誠不容道亦以奉諸先輩之
命有責不容辭者也否則巖何能爲而敢冒昧秉筆
而置喙耶顧謂亥豕無訛豹鼠悉辨純粹以精靡有
子遺未可云爾請後之閱譜者曲加體諒巖則幸甚
皆

大清嘉慶十五年歲在上章敦牂如月之吉

二十一世孫邑庠兆巖考名重輝謹識



欽定四庫全書
大戴禮記卷之五
子夏問曰
禮者何也
孔子曰
禮者天之經也
地之義也
民之行也
君子居則
貴道而
行則思
義
居則見
其心
行則見
其容
居則見
其容
行則見
其心
居則見
其心
行則見
其容
居則見
其容
行則見
其心

禮者何也
孔子曰
禮者天之經也
地之義也
民之行也
君子居則
貴道而
行則思
義
居則見
其心
行則見
其容
居則見
其容
行則見
其心
居則見
其心
行則見
其容
居則見
其容
行則見
其心

禮者何也
孔子曰
禮者天之經也
地之義也
民之行也
君子居則
貴道而
行則思
義
居則見
其心
行則見
其容
居則見
其容
行則見
其心
居則見
其心
行則見
其容
居則見
其容
行則見
其心

禮者何也
孔子曰
禮者天之經也
地之義也
民之行也
君子居則
貴道而
行則思
義
居則見
其心
行則見
其容
居則見
其容
行則見
其心
居則見
其心
行則見
其容
居則見
其容
行則見
其心

歷代修譜名次列左

宋寶慶元年乙酉 三世孫 方 纂修

元皇慶二年癸丑 七世孫 愚 重修

明景泰元年庚午 九世孫 道澄 重修

明宏治十二年己未 十一世孫 世滿 重修

明嘉靖三十六年丁未 十三世孫 銓 九思 九功 同修

明萬曆四十六年丁巳 十四世孫 學書 學道 學孔 同修

十六世孫 學中 學恭 仲峯 同修

清康熙三十年辛未 十六世孫 應臣 應昊 金應宇 同修

應褚 同修

清乾隆十一年丙寅 十七世孫 懋洵 同修

十八世孫 光彬 光雲 自鏜 永淙

光祿 光書 光持 自俊

光炘 光喜 光偉 光暇

光餘 光明 光援 光黨

光懷 永文 光金 光駁

十九世孫 虎生 貴妹 金生 聖俊

郭生 長生 寶生 同修

清乾隆四十一年丙申十八世孫 光燻 瑞武 召堤


十九世孫 瑞麟 啟貞 瑞武 召堤

足生 澗生 汪生 方生

記生 聖文 啟幅 路生

興隆 瑞周 元宣

二十世孫 為妹 為瓚 為堂 為藝



為珮 為銓 為政 為祖

為益 為善 為敏 為發

為裘 為仙 為孝 為儀

同修

清嘉慶十四年己巳十九世孫 廣臣 恭生 椒生

昌生

二十世孫 為祖 為鳳 為聖

為善 為詩 為發

為聰 為裘 為發

為珮 為垣 為楠

發遠 為福 為侑

為浩 為登 為日

為可

為台

為陞

為溢

二十一世孫

兆秀

兆忠

兆格

兆忠

兆雨

兆宏

兆祭

兆潮

兆魁

兆衍

兆巖

二十二世孫

美音

同修

前嘉慶十四年

...

...

...

...

...

...

...

...

...

...


...

...

...

...

...



宗譜目錄

長塘徐氏十修宗譜本族存祠一部四房四部外村大
八路一部石龍頭二部西畝一部羅村一部淶塘二部金
寶湖頭一部天師畝一部雙塘殿一部共一十五部每
部計十四本以石龍秀鎖黃溪水白佛輝聯天馬山二
語爲籤頭凡閱譜者先看籤頭卽知某卷

六卷總目

一卷石字集

正歷代重修譜序起至家約終

二卷龍字集

卜遷追頌起至系圖賢字行提終

三卷秀字集

系圖賢字行起至和字行提終

四卷鎖字集

二系圖和字行起至敦字行提終

五卷黃字集

一行傳分合引起至忠字行終

六卷溪字集

行傳肅字行起至賢字行終


七卷水字集

行傳良字行天响烟一暗雙禁烟一暗共一十正暗

八卷白字集

行傳孝字行宗論本熱亦麻一暗四裏四暗代林火

九卷佛字集



行傳友字行

十卷輝字集

行傳和字行起至敦字行終

十一卷聯字集

傳贊豪字起至肅字終

十二卷天字集


傳贊賢字起至友字終

十三卷馬字集

墓圖總記起至肅字墓圖終

十四卷山字集

墓圖賢字起至友字止并附載各祀產歷修後跋終



分列細目

一卷石字集

歷代重修新舊譜序并校正字記

簡齋公遺像贊并小傳 華峰公遺像贊并小傳

一豪一公遺像并贊 尙三公遺像贊并小傳

一峯公遺像贊并小傳 中軒公遺像并贊

長塘徐氏宅圖 長塘八景詩


又十修附入原題八景詩 徐氏大宗祠圖并記

宗祠秋祭記 宗祠油漆記

宗祠鼓鐘記 議立草簿登生卒序

大宗祠祭圖并儀註 十六都上湖宅圖并記

上湖八景詩 上湖小宗祠記



臨江西畷宅圖 天師畷宅圖

分遷大路宅圖 又大路拾遺了序

凡例三十二條 家法四十二條

家約十條

二卷龍字集

長塘卜遷追頌并詩 原紀引

世系引 遠系圖


正由義烏遷金華長塘世系圖

第一世伯字行起至遠字行提

四第五世遠字行起至尙字行提

第九世尙字行起至愷字行提

一第十三世愷字行起至賢字行提



長塘余氏宗譜

三

三卷秀字集

第十七世賢字行起至和字行提

四卷鎖字集

第二十一世和字行起至敦字止

五卷黃字集

行傳分合引 歷世排行字母 十修定字取名小序

第一世伯字行


第二世千字行

第三世能字秀字同行

第四世仁字行

第五世遠字行

第六世明字行



第七世英字行

第八世豪字傑顯二字同行

第九世尙字俊清信葵恭五字同行

第十世厚字威韶正敬四字同行

第十一世旭字內全儀端四字同行

第十二世昱字朗祐百孟四字同行

第十三世愷字猷裕運佑四字同行


第十四世悌字奇預榮三字同行

第十五世忠華二字全行

六卷溪字集

第十六世肅字行

第十七世賢字行



七卷水字集

第十八世良字行

八卷白字集

第十九世孝字行

九卷佛字集

第二十世友字行

十卷輝字行

第廿一世和字行

第廿二世平字行

第廿三世敦字行

十一卷聯字集

豪一府君誌銘



尙一府君墓誌銘 尙二處士墓誌銘

尙三太祖二月十五禪定寺祝文

旭七府君昱四八府君祖德序

昱二一府君墓誌銘 昱廿三府君墓誌銘

愷五十府君墓誌銘 愷五十八府君傳

愷六十二府君墓誌銘 愷六十六府君墓誌銘

明故南川徐公行狀 琴師見山徐公傳 附六讀廻文詩三首


見川徐公行狀 悌六府君墓誌銘

婆媳雙節記 姑媳雙節傳

東山徐公傳 一峰徐公傳

武寧少尹一峯公傳 一峰公賢喬梓合傳

賀明齋徐君旌扁善序 贈道齋公徐君行序



道齋公傳

贈敬南公序

敬川府君叙

徐少峰公傳

少峰起孟甫徐君傳

繼泉公贊

葵軒正鄉甫安人張氏合厝墓誌銘

壽仰川先生六旬頌

太叔友蘭公序

堯授允執父徐公厝大黃塘墓表

百歲瑞母頌

崇宣府君元配蕪氏安人合厝墓表

太乙斐然甫徐君小傳

悌百十府君行狀

仰峯公傳


友松徐君贊

名所隱君贊

望嵐徐契丈贊

馨吾徐君傳

贈有源字明甫號裕川說并箴



贈良所徐君傳

贈有淳翁字君厚號華暘說

有階公小傳

友葵公第三子有緣公小傳

有顯小傳

茂齋公墓誌銘

茂齋公序

珍所公前曹墓記

贈珍所徐公序

永初公行傳并祀產

永初公禪定寺祀產記

忠百六十九府君墓誌

長塘仰素徐公行狀

忠百七十七府君序

忠百七十七府君行畧序

永松公頌

叔祖平原府君與叔衛齋府君序

徐公忠九九四太公墓誌銘

清風高節叔嬭合傳

杜鵑吟

忠二百十八府君安人沈氏賢節傳

文學肅三十七公墓誌銘

君錫父行畧序并贊

肅七十府君序

肅七十九府君陳氏安人合厝和尚塘墓誌銘

三賓啟明公叙徐氏啟明翁叙

恭垂府君叙 遜菴先生誄文併序

叔成公序併墓誌 贈慕孺徐公序

太岳肅百八十九府君序 張氏節孝記

喜臣淑配賢節合序 于藩公行略序


寄思詞 仰松公贊

挽詩序併挽詩七首 爾貞公序并贊

爾貞徐公行狀 匍匐草題詞序

紫霞公序 昭儒徐公序

昭儒公元配吳氏墓誌銘 雲侯徐公贊



孝子傳

徐翼父序

公遠徐公叙徐公序贈惟育徐公序徐公序

徐母邵氏姑婦冰燭合贊徐登縣孔安人贊

肅二百八九五于大公行傳

傷于以併徵詩序挽詩七首贊又州兼山公贊

十二卷天字集

文學丹甫景暘公行狀附姜先生詩二首

文學姝齋夫子行狀


仰止翁序無公父子傷春賦并序

賢百六十公并松山伯父序 次侯弟淑配陳氏傳

本如徐公行傳九寸壽母傳氏太夫人頌贊

承宇惟本二公合傳惠如序

南湖公行傳 鄉飲賓璧廬先生徐公傳



文學徐翁明一公并錢母節婦合傳附載祀產

良七十七公墓誌 良百六公墓誌

良百五十三桂茂公附孝百四十八聖俊公贊

良二百廿二府君序併墓誌

如衡公士瑞公父子叙傳

文學行健公傳併沈氏孺人略 文學敬齋夫子行傳

光餘公序并祝陳氏安人八十大壽

道庵公偕樓太孺人傳并像贊又附廉山公像贊

永宜翁行傳

良三百四十五惟仁徐太翁暨樓氏安人贊

太叔祖聖樂翁行傳 耆賓惟聖翁行傳

文學永華翁行傳

光鋹公孺人陳氏苦節傳

景青公傳贊

長塘徐親翁暨沈氏安人貞節序公吐玉徐公傳

惕若公祭文 雲軒公吳氏安人傳

士茂孝二百四十八公行傳

又士茂公傳 昭然徐公序

孝三百六十三法山公吳氏老淑人節孝傳

又吳氏孺人節孝傳贊并頌

孝三百九十六公暨樓氏安人贊

孝一士公黃氏孺人苦節傳贊

啟瑞公淑配曹母太安人壽序 孝啟壽公序

友百七十六孺人陸氏節孝傳 又陸氏孺人旌表傳

恩溥先生徐翁傳 又恩溥公祭文

友二百八依園公行述

澹齋公自叙小傳

太學徐公潛齋先生叙入太學貽遠徐公行實并讚

友二百八十三禪穀徐公傳贊 又禪穀公祭軸

友三百三十三梅齋公序

十三卷馬字集

墓圖總記 一豪一公後墳頭墓圖

尙三公庵內墓圖并載新舊祭產 厚一公山頭墓圖

厚一三公墳頭山墓圖 旭七公大黃塘山墓圖祀產

并載昱四八公祀田 黃坭山昱二一公墓圖

昱九七公前墳頭墓圖 昱廿三公青山灣墓圖

鄭大門墓圖 靈鶴山墓圖并載五房祀產

愷六十二公楊園墓圖并載祀產愷六十八張氏庵內墓圖

廿九都楓樹塘裕三公墓圖派墓

葵軒公黃金山頭墓圖并載祀產

友蘭公友竹公毛介墓圖

梯八十一公孔宅浦港湖墓圖

梯八十三葉氏安人馬山墓圖

梯九十六公蓮塘湖山墓圖


梯九十七公西金墓圖并祭田

梯百五公馬鞍山墓圖圖將墓無公祭田

梯百廿六公照墩墓圖并載各祭田

梯百廿八府君楊村墓圖并載各祭田收公派田費田

前曹坟圖



華陽公和尚塘坟圖并載祭田

忠百十四公長全塢坟圖并祭田附本如公祀田賢田

茂齋公荷花形坟圖并祭田

珍所公前曹荷花形坟圖并慕孺公祭田

胡宅坑墳圖

樹樟坑丹鳳啣書墳圖

肅二百四十九安人吳氏墳圖


肅二百七十五公真坑坟圖

下深塘角坟圖并祀產

大坡頭墳圖

大黃塘猷二府君墳圖并載祀產

前墳頭坟圖



陳六塘肅三十七府君墓圖并祀田

東山祖墓圖誌銘

石灰山墓圖誌銘并各祭田

山南孫啟明公墓圖祭田

丁村前山墓圖誌銘

肅二百三十四公黃坭山墓圖

本都李童墓圖


黃塢菱塘裡壁墓圖并祭田

十四卷山字集

黃塘山背墓圖誌銘祀田

賢七十三公後塘裡壁墳圖

賢七十九公深塘塢千兩墳墓圖



賢百九公鐵店塢墳圖

賢百十五公平頭山墳圖祭田

俞臣公荒山墳圖誌銘祭田

賢百三十二公坟圖誌銘祭田

賢百四十公孟園山坡圖并銘祀產

馬長山坡圖誌銘

賢百廿四公荒山坡圖誌銘祭田


賢二百廿七公殿後山背坟圖

賢二百三十八公丁村殿後坟圖

賢二百六十七公大路坟圖

賢三百四十盛氏前曹墳圖

余黃嶺脚明一公坟圖誌銘



余黃嶺脚壁盧公墓圖

前施後東塘裡壁墓圖

活塔山背瑞一公墓圖并誌祭田

通菴公金舍郎墓圖并誌

水竹塘懷暘公墓圖祭田
良八十八公後高山背墓圖

良九十三公上樓宅墓圖併祭田

良百六公下岳山墓圖


良百廿八外青山墓圖誌銘并二房祭田

良字官山墓圖并祭田

良二百十公後山墓圖

良二百四十八公老鴉塘墳圖并誌銘

良三百十六公武義朱村墳圖



良三百十八公石龍頭羊塘角墳圖并祀田賢田 附

孝惕若公廉山公祭田賢田

良三百四十五惟仁公殿前山墳圖并載祀產賢田

孝九十一公梅後山墳圖并祭田

孝百九公白水岩裡墳圖并祭田

孝百四十一公百杓塘墳圖

孝二百三十八公湖裡墳圖祭田

孝三百五公邢村杓塘下墳圖并祭田

孝三百六公湖長塘角墳圖併誌附載祀田

孝三百六十三法山公黃坭山雙塘裡壁墳圖併誌附

載祀產賢田

孝三百九十六益山公黃坭山脚墓圖併祀產賢田

友百三十四公後高山脚墓圖并祭田

友百六十六公天師畝林蔴車墓圖并祭田

友二百八公柘枝塘墓圖并誌附載祀產賢田

友二百三十公水閣荷塘墓圖

蔴車塘歸山鳳形墓圖并誌附載祀產

昱九七府君中軒公祭田

悌五十九名泉公祭田


悌六十一仰山公祭田

忠八十八宗勤公祀產

忠百十六宗鐸公祀田

肅百四十七一濡公祀田

肅百五十一自康公祀產



金華長壽余氏宗譜

三

全華長城... 定言... 卷之...
三

肅二百三十九一泮公祭田

賢五十四承栢公祭田

賢七十七公祀產

賢二百廿七繼善公祭田

賢二百七十二恩甫公祀產

賢二百八十二盛一公祭田

賢二百九十泮一公祭田


賢三百十七廷嬌公祭田

賢三百四十六公祀田

良諱阿世祭田

良三十一惟鰲公祭田

良五九六子奇公祭田




良八十中文公祭田

良八十九仲文公祭田

孝九叔文公附友十三奠安公坟塲山地

友二百五十四人山公祭田



六百五十四人山公祭田

奉武縣文公州文十二奠定公對巖山祀

頁八十武縣文公祭田

頁八十武縣文公祭田



賜進士中散大夫簡齋公遺像

天挺人豪

才全德厚

壽富多男

光前裕後


龍章寵錫

俛熾俾昌

以似以續

奕葉榮光

簡齋公德容小傳



金華... 卷之二

三

公諱倬字立甫常侍公之遠孫也神完而盎質直而冲不
接庸儒喜親學士嘗偕文清公負笈呂成公門墻後輒登
進士第授中散大夫職因文清公忤史彌遠罷歸一旦忽
然動念曰伯成耦耕不慕諸侯之榮原憲桑樞不易有官
之宅何必居則華屋行則肥馬哉且以是紛冗苦也卽矢
志養浩林泉飭躬修道文章禮法可以經世傳家儼然東
萊先生風也原居徐湖隔長塘三十里許嘗乘輿登涉而
至焉觀覽之餘犁然有當卜居生心私謂卽古岐鹵不過
此遂起行而家生七子爲龍爲鳳產諸孫如桂如蘭嘻出
則當代戴德公處則後裔食報公創基垂統則萬禩丕顯
丕承誠宇宙完人也後人覩德容而振起者吾知其泉滄
而雲興矣

賜進士仕知州華峯公遺像

腴然而豐

澤癯然而

凜清廉貞

率其性靖

猷生其心


黎民樂紘

誦子孫保

泰安長塘

基顯肇世

禩統昭垂



金華長壽寺...

華峰公小傳

知州公諱銘字鐫之以華峰爲號簡齋公二子也少承庭訓長習吏治志在輔世長民甫弱冠果卽舉紹熙甲寅進士授職知州嘗作勸農文以敦本務又作養士記以興後賢全欲以德被江漢耻以威刑肅物士民咸謂有脚陽春願借留也旣而謝事與尊大人卜居長塘時父母俱存竭志承歡恒親奉膳少爾違和便寤而不寐足不能正又恣柔愛之道如元方兄弟其後六昆季復各創新圖知州獨居舊宅享年五十有一配樓氏先公一年卒子六而瑛麟玉爽云忠孝亦何可以假人公亦不讓矣其造業裕後無庸悉數

川塘夢梅方中撰

豪一公像贊

宏度偉才

豐巧廣業

戩穀熾昌

蠡斯振螯

詩書啟佑

文會嘉圖

千支萬萼

奕葉榮光



金鑑卷之六十一

三

奕葉繁茂

訓導支庶

士大夫會

原籍



世襲

不婚

豐

玉

彙一公



尚三公像贊

形色天性

曷踐其形

羨公渾厚

制行惟貞

秉氣清奇

幽明可徵

望之就之

光嶽鍾靈



金鑑卷之六

尚三公小傳

公諱道澄字孔清號承齋幼而穎異抱天日之姿讀書一目輟成誦甫弱冠卽能擔當父任爲麗邑徵糧宅心平易五尺無欺重創禪定普祝

聖壽神王棲於殿左儀容載于譜牘葺修家譜俾世系知所先後大有功于祖德萬世而下知公天地間完人與魯論望之儼然卽之也溫並不磨云

十五世孫有瓊

十六世孫孟寧全撰

武寧少尹一峰公像贊

貌古而秀

望族人豪

身沾雨露


白簡朱袍

棠陰廣愛

葵日輪勞

名實已加

不玷清操



武寧少尹一峰公像贊


德容小傳

公諱球字子玉別號一峯冲齡質穎博古業舉子遇奇遂
習鍾王諸蕭曹矢志在忠君愛民果中部試授江右武寧
邑少尹蒼生鼎德口碑不已皇路需才薦章數上陞任湖
廣泗州大使致仕榮歸怡情林下浹兩紀終養天年逾八
旬匪傲吏身閔實至人歸休也仕止咸宜俯仰無愧千秋
後猶將覩公之芳容慕公之完行自足垂不朽矣
萬歷丁巳年孟秋月吉旦

眷侍教生桂海林長春拜撰

泉塘始祖昱九七公遺像

其蘇屬以垂祭始宜封爵之承昌
大其人於此靈長矣百壽流其於
公之祭不別一衣公之數群與泉
山爪衣





泉塘始祖昱九七公遺像

三

泉塘始祖昱九七公像贊

公之居不限一方公之遷擇處泉塘山川秀麗宜乎地火
 天長人傑地靈允矣百世流芳德儀淑慎道貌馨香噫惟
 其種德以垂裕故宜後裔之永昌

泉 潔 敬 脈 昱 水 子 公



長塘徐氏
八景之圖



卷之三

三

長塘徐氏八景詩

雙峯聳翠

北環有石嶮清幽遠俗囂奇形侵漢出峭勢插天高聳
翠雙回雁鍾祥獨釣鰲尖尖渾似筆珠玉在揮毫

余嶺登雲


莫道嶺頭嶠騷人登眺頻步高蟾窟近日瞬斗垣新梅
發先同庾雲橫自異秦蓬瀛不必訪此處可尋真

石龍冲霄

石顯化工元巖巖非一拳却似鱗蟲長何須鯉化全雲
騰驚出海雨沛快登天秀脉聯仁里人龍產俊賢

天馬存鞍

天馬駐芳叢午生驥德雄存鞍寧代步不策可行空露



結霜蹄樣霰裝雪鬣容負圖千古勝超出渥洼中

仙人遺石

奇哉寶婺州飛峽掛山頭不數巫峰玩胡誇閬苑遊化
羊真語叱韞玉遠輝浮石在僊還在樵柯爛處求

白佛清塵

世事如翻車佛心不動耶瑤天裊彩殿玉露供香茶守
白無溜湟甘清却侈奢塵凡特現相勸化萬千家

威靈晚鐘

古刹多靈威僧房映落輝談經徵善果入定透禪機風
送鐘聲亮月高燭影微慈悲發大願凡子亦皈依

道院迎賢

希入聖賢林滿腔道義心俯躬親淑範抵掌滌塵襟院

靜喧俱寂堂虛意亦深朱程明理學我輩是知音

景泰元年歲次庚午暮春月

仁和庠生林長春拜撰

贈少川翁境內八景詩

一水東流

一水向東溟滔滔不暫停千年洄地脉萬古映長星浪
暖鳶遊戲淵深鯉化成臨川觀道體不必問登瀛

雙峰聳北

山上擁層巖法華果不凡巨靈伸寶髻大塊擁雙龕北
聳龍降伏南朝虎踞巉松翹雄地古斗極掛峰嵐

余嶺閒歌

策杖步雲鬢敲詩待月明只因無個字閑郊醉孤罌鶯

巧隨歌巧人聲間鳥聲登高以舒嘯余嶺動山靈

黃塘濯足

濯足勝封侯魚鰕爾亦儔
灌纓師孔父洗耳友巢由
激石涵清曉投波蕩暮秋
忘機鷗泳沫勝躡海天洲

虎洞尋樵

虎洞自天然伏羊伴虎眠
爛柯尋道友採藥訪真僊
足小飛雙影洞高透九天
問樵誰問虎同爾去參禪

牛山伴牧


呼喚過林邱牛山煙草稠
分茅閑鬪綠叩角學歌謳
相穆原非伴用秦謾作儔
先生無俗慮咲指衆蜉蝣

道院迎賢

千古斯文地賢良百世英
華旌飛炯炯環珮響玲瓏
饋食非爲俗携觴望盖傾
談經與課子執卷問朱程

楓墩罩綠

此處有喬木橫擎駕碧天翠含深夜雨黛擁暮春烟寶
蓋雲中罩秋紅錦上鮮靈根蟠地軸秀毓九華巔



萬歷丁巳秋月

睿侍教生煉成金名世頓首拜撰

小派巖邊雨高登六天間熱語問與同爾夫參
與匪自天然林外羊舂雲想賦味香滋大料藥
谷函音對楚地暮林忘懸詞承林想翻書天
野我無佳詩感贈爾水壽對懸神正交將耳丈巢山

附八景原題詩八章 十修登八

雙峯聳翠

突兀雙峰護七峰
嵐光掩映翠重重
爭奇矗豎疑冲漢
並體廻環似遶龍
春日晴和凝黛綠
秋風慘淡間疎濃
巨靈擘華差形似
葱蒨玲瓏豁我胸

余嶺登雲

巍哉此嶺曰余黃
崩劣峇堯千仞岡
捫陟山腰人漸小
直登岫頂興彌狂
雲生足下疑平步
風緊巒頭欲遠翔
竹葉喬華同一覽
不知空翠濕衣裳

石龍冲霄

何年變化脫虬胎
聳起漸漸巨石來
啟螫有時千里雨
冲霄得勢一聲雷
崢嶸頭角伸危岫
蜿蜒鬚鱗露碧苔

出沒神龍真莫測豈終偃蹇伴山隈

天馬存鞍

驕騮駉未爲奇天馬靈神不可羈孰是行空曾繼絆
竟將着地歷欽巖固存鞍轡虞騰去任作嵯峩永在茲
倘遇九方歎一相絕塵犇逸訝山移

仙人遺石

截然峭立傍高山傳說仙人置此間豈是赤松羊石跡
亦非員嶠錦雲斑督郵攘袂如爭界秦使齋書適至關
米芾當年曾拜否恐伊未到此深灣

白佛清塵

茫茫世界總浮塵那得寰區清淨因不道長塘九境地
曾傳白佛降靈神蒼巖翠麓形非改呪鉢談經跡已湮

卓錫仍飛天竺去年年花草一番新

威靈晚鐘

登山晚眺暮烟橫隱隱遙聞金石聲地隔威靈神已注
鐘傳村落耳偏清蒲牢鞮鞞方如意巢鳥誼譁亦適情
靜聽直忘紅日落歸來不覺報初更

道院迎賢

道院名山不計年足音空谷有高賢何王金許應曾接
濂洛關閩諒少延莫謂地偏人罕到只因人傑地堪傳
追尋講論書堂跡蔓草長松一帶烟

峯

嘉慶十五年歲次上章敦牂陬月之吉

二十一世孫邑庠兆巖謹題

聖祖十五年... 聖祖... 聖祖...

聖祖... 聖祖... 聖祖...

聖祖... 聖祖... 聖祖...

聖祖... 聖祖... 聖祖...

聖祖... 聖祖... 聖祖...

聖祖... 聖祖... 聖祖...


聖祖... 聖祖... 聖祖...

聖祖... 聖祖... 聖祖...

聖祖... 聖祖... 聖祖...


聖祖... 聖祖... 聖祖...

聖祖... 聖祖... 聖祖...



長塘徐氏大宗祠圖

新廟 奕奕 孔曼 且碩 春秋 匪懈 享祀 不忒



長塘徐氏大宗祠圖

三

大宗祠記

崇建祖廟由來尙矣吾族自徐塘下遷居以來祠廟未
建延及十有四世子孫紛蕃枝分派析其散居遠方立
成基業者若十六都之上湖三十四都之羅村西畝三
十三都之天師畝楊梅山以及府城內外洪鎮方等凡
十有餘處其鄰近里許如大路石龍頭新屋丁村并畸
零諸在處星羅碁布莫可統會鼎建祠謀重且亟也矣
於是應超應臣應褚應望應宇際亨等擬議勅立炤丁
均派計糧額捐惟是遠居異地者不及例彙衆祠長廢
居聚息經營十有數載皆維康熙四十一年秋鳩工構
造卜地於本宅龍首石明堂之下於時梁木維艱衆方

無措賴

祖宗之靈實誘厥衷於新屋後高石龍頭早

有祖遺樟木約大數十圍者八根欣然樂助餘材且山積焉其工食費用一切粗工等項俱炤丁例遞加輪值是年冬十一月廿二日之吉建起正廳五間踰明年起隱堂五間又明年起門樓五間地勢軒昂規模壯麗朝山天馬排空文琴齊案與夫威靈白佛喬華虎冲諸巖岫魁奇屹突側注傍參其座托七峰聳翠蜚插雲霄其左捍有羅星三重水環廻繞綿綿延延數十里其右首乃陽宅來龍嵯峩疊嶂如列畫屏猗歟美哉地靈氣粹毓秀呈祥盤固雄圖萬世永賴矣嗣後年數不登財力難繼首事諸人類皆嘆老嗟悲怠倦於勤耽閣而未罄飭者二十餘年雍正己酉春舊事祠長與新進後生懋中懋拱懋修光持光炅等目擊心傷皇然發奮哀土運

石朝不遑夕時爲孝心所迫慷慨助捐者繹絡接踵若
銀兩若堦沿若月臺若蹈道各自承造以舒衆力閱寒
暑庚戌而告厥成功 神靈安妥至於今春秋二祭羣
昭群穆子孫躋躋冠裳趨踰拜舞各展孫子孝思而於
萬斯年受天之祐者因甚賴首事者創美於前尤賴有
繼起者落成於後總之敦本睦族之心一而已矣雖然
是舉也敝精竭力戴月披霜勤劬祠事亦不過自盡其
追遠之心於萬一初未嘗計及後人之美而頌之也此
而爲記附贅云爾已或有論於予前曰祖廟重典也若
不載明營建始末吾恐千百載後世遠年湮子孫欲考
其由來不且俛茫茫於莫稽乎予乃瞿然有閒曰唯唯
是或一道已時值乾隆丙寅族修宗譜將繪圖而刊載

焉予遂實錄之以爲一代之盛蹟至於列名標助正叙

於左

起造祠長

學心

季潮

應超

應宰

應暄

世義

應臣

應嶽

應康

一妹

應宏

應宿

應宗

應褚

應望

應宇

應鰲

承慶

承先

承付

際亨

際誼

懋圓

字浩如

而長

而瑗

懋輝

懋中

字本如

仲綬

之聖

懋興

懋拱


光旭

光瓚

自珍

宗譜

三



整理祠長

懋中 字本如 懋拱 懋祀 懋挺

懋修 懋都 懋韶 懋呂

懋琰 懋洵 光雲 光持

光晡 光珍 光彬 光富 三房

光默 光照 字彥昭 光乾 光昭

光洽 字惟英 自鏜 光偉 三房 光炅


光暇 光賽 光炳 光颺

自俊 光堯 光懷 字惟仁 光吟

光黨 自瓌 衍生 長生 字元士 石龍頭常

計開助祠堂基并銀兩名次於後

懋臺助



崑字五千七十一號

田拍四分四厘

懋圓懋中助

崑字五千七十一號

田拍二分二厘

懋拱助

崑字五千一百十四號

地二分五厘

光輔助廳前月臺一座

懋都助廳後堦沿一帶計銀七兩


懋琰助門樓前堦沿一帶計銀七兩

懋中助正廳中堦沿蹈道三級計銀五兩

又錢一千四百文

懋瑛助隱堂右邊蹈道一座并橫堦沿

懋獅助廳前二廊堦沿二帶計銀三兩二錢



金桂長禧余氏宗譜

懋理助門樓八字門前堦沿二道計銀二兩

衍生助銀五兩

皆

乾隆丙寅孟冬月吉日

邑庠生繼清謹識

祠內凡有助基并天井堦沿者理應頒胙因昔年祠內辦祭不支遲之至今今乾隆二十年春祭議得頒胙分兩開列於後以爲日後賢子孫喜助者勸自今伊始永

著爲例云爾

懋臺給胙五觔

懋瑛給胙二觔

懋中給胙二觔

員得一斤
中得二斤


懋琰給胙二觔

懋拱給胙二觔

懋中給胙三十兩

光輔給胙七觔

懋鄰給胙廿五兩



懋都給胙二劬

懋理給胙乙劬

衍生給胙二劬五兩

齊家油漆頒胙名次臚列於左

崗光懷油漆正廳五間

給胙五劬

長蘭生油漆隱堂五間并廊下二間給胙三劬

為珮油漆門樓一座給胙二劬

博岑

乾隆四十一年春月新助產業列後

寶生之妻林氏恪遵

祖命助田

良三百七十二朝奉生忌

祭六絲

土水賦懋口下


孝二百四十二茂才生忌

十六寸十四寸十寸八寸四寸

崑字四千七百十二號

田拍一畝二分三厘三毫

土



名青山脚九斗

崑字四千六百六十四六十六七十九共四號

夏田拍二畝二分一厘三毫六絲 土名楓樹塘口石三

崑字四千六百七十九號 田拍二分八厘三毫 土名

王塘山背脚 計祭品熟物五筋點心一品麥六筋酒六筋羹飯隨便

辦祭人值年祠長管理并接親房三名監祭散胙

餘生助田 崗字二千一百六十號 田一畝三分九厘九毫 土名

邵家塘口二坵 又二千一百六十一號 田八分二厘

又塘二千一百六十三號 塘拍九厘 土名邵家塘

計祭品熟物五觔生忌點心一品麥六觔酒六觔羹飯

隨便生忌卒忌蔬食四色計銀一錢六分辦祭人值年

祠長管理并接親房二名監祭散胙

首為元助田

崑字四千四百四十三號田八分三毫土名上陳一

坵三斗春給胙三觔半

順嘉慶十五年春月新助產業列後

晉松生助田

崗字三千一百八十號田九分九厘九毫下屏塘四斗

三千一百八十一號塘一分全

三千三百七十二號田九分九厘八毫上屏塘四斗

三千一百八十六號田五分三厘全二一斗

三松生又助足錢十四千文

光成生卒二次給錢一千文辦祭人值年祠長管理

凡事莫大乎倡始况報本追遠尤子孫所最關切者哉
吾族建造宗祠規模固已具備

神主依然無棲風侵雨蠹日延一日者屈指已二十八年
矣己酉春懋興等二十三人惻然動念共謀捐資總計
三十六兩以爲首倡又復置田三石四斗歲七春秋祭
有恒產凡在孫裔動源本而切悽愴感霜露而深怵惕
者靡不歡忻鼓舞踴躍爭輸竭力赴公繹絡接踵越二
年辛亥而百廢俱興

神靈安妥誠大有造於祠中如孟子所謂始然始達者

也此意殊不容泯爰勒於石俾後世子孫庶毋忘振興
者之功與落成者之力是為記

崑字五千五百十三號 田拍一畝九分三厘一毫五絲

土名石砌塘口

呈數五千五百廿七號 田二畝六分六厘二毫 土名余

黃殿前

四千六百九十三號 田三畝三分四厘九毫 土名

崑字歇力塘背百文類出其田荒蕪自鈔收管出賣者歌

四千五百七十一號 田三畝四分二厘八土名川塘

下石二

裔孫 應宇 學佐 懋瑛 懋禪 懋都 承眷

懋興 懋中 字本 懋拱 懋孝 三 懋沛

光懷育生懋沂 懋漢 光先半股始生為素

又應字合股 光珍 光治三房 光晡

光持 光品 育生

國年學佐本股四十年出賣于廿三人之外常中出錢

九千四百文贖出其田常搖自後如有出賣者炤

依前例後日子孫興旺聽其取贖

皆

皇清雍正九年歲次辛亥林鍾月下浣之穀旦

十八世孫邑庠生繼清謹誌

皇字正平正百十二

皇字正平正百十二

皇字正平正百十二

光朝助田號畝租額

舜字二千四十號

田乙畝六分二厘二毫

租額計足秤二百八十觔

土名蕭家埠

二千八十七號

田乙畝五分二厘乙毫

租額計足秤三百觔

二千乙百廿六號

田二畝八厘二毫

租額計足秤四百五十觔

二千乙百四十五號

田乙畝二分九厘六毫

全坡禁

兆熙助田

崑字四千九百二十四號

田五分五厘

土名毛山二斗

崗字三千二百三十三號

田四分九厘五毫

土名六

村畝四斗

三千五百十三號

田四分五厘

全

三千二百七十七號

田三分六厘四毫

土名余黃

三下二
嶺一斗

三千二百七十八號 田乙畝五分八厘六毫 全五斗

端生助地二片土名前山頭

東邊宣如坎端生附墓 南邊光漢坎 北邊光沖坎


宣字四為仲助田

崗字二千百五十七號 田九分四厘九毫 土名泉塘

二千百六十二號 田五分七厘二毫 全

二千八十號 田一分五厘二毫 全

二千四十四號 田一分六厘二毫 全



長塘宗祠秋祭序

春秋祀典之大也二者俱不可缺春以達陽和之氣告於先人秋以收萬物之成薦諸寢廟其舉祀之時不同以不忘其本一也余憶甲戌之春二月越朔祠內頒胙予時年少亦在頒列率聞長者曰春祭已歷五十年有奇秋祭獨缺柰何衆皆默然無一人贊成其事而竟不克舉越二十年甲午之春合族欲議秋祭謀已將成忽年歲不登財力不繼事又不果舉何則其心不誠其事難舉有由然也而亦又何怪至今丙申之秋八月族內修譜衆譜長日往來祠內勤理譜事工將告竣適當秋期覽金風之微發動追慕之悽愴告成之下皆欲薦新祭典弗修譜將何益是以派下示商等愔然神傷慨然

議衆皆踴躍從公各捐資費首創是祀自思少時祠內
 頌胙之言安知其至此事不舉不足恠子憶前事獨有
 所感也為子孫者能勤於祀事弗使神靈求食足矣嗟
 夫為人子孫誰不思念其先人為人祖父誰不欲享其
 廟食今創是祀而舉之則春禴秋嘗兩全其盛庶幾在
 天之靈可以少慰而報本之情亦籍是以不忘厥後賢
 孫更能為公而不挾私焉則斯祭可以永垂不朽矣是
 為叙

秋祭首事名次

啟貞 足生 汪生 方生

龍生 記生 茂生 啟福

為高 為珩 為政 為璉

為益 為善 為敏 為詩

為均 為裘 為仙 為珮

為孝 美鉞

秋祭號畝土名備載于後

崑字一千一百七十三號 田六分九毫

土名活塔山背鄭大門二斗

二十一號 田九分八厘三毫 土名殿後山背下白

廟塘口四斗

一千六百六十九號 田五分八厘七毫

土名活塔山背雙塘二一斗

一百二十六號 田三畝一分九厘四毫

土名灣丫坵

六千二十四號 田拍八分一厘六毫五絲

土名馬鞍山五斗半坵

一千五百四十二號 田一畝四厘八毫

土名東塘背四斗

崗字三千四百七號 田八分五厘六毫

土名裡童門前四斗

三千四百八號 田三分三厘八毫

全

皆

嘉慶十五年歲次庚午春月之吉

二十世孫邑庠生為發考名元達謹誌

宗祠油漆記

乾隆四十二年歲在丁酉會宗族於祠內修祖廟也祠
內污穢狼籍肆行無忌更兼年數以遠風雨蠹耗將必
傾壞是不特負前人之創造而且辱祖宗之靈爽今乃
議合修理大爲整飭廟堂門廡黝聖丹漆其意可嘉也
憶余族自簡齋公以來延及十有四世至康熙癸未
秋而祖廟始建規模初就制度未備又越數十年雍正
己酉春而告厥成功以妥以侑春秋克隆祭典迄今丁
酉之夏光懷長生蘭生爲珮等各捐重資慨然任事延
工畫作晨夜展力凡棟樑梁柱板檻之腐黑撓折者蓋
瓦級甍之破缺者門欄之漫漶不鮮者一一修治施其
藻采煥然一新整其法度燦然有條是祖宗之靈以安

前人之志亦慰矣嗟夫莫為之先雖美不彰莫為之後
 雖盛不傳况祖廟之興廢關於宗族之盛衰古人云重
 祖廟即以尊宗祖豈不然哉余覽昔人尊重之意若合
 夙契未嘗不欲後人之喻於懷固知祖宗為不可褻祖
 廟為不可瀆後之視今亦猶今之視昔豈不善夫豈不
 善夫故列叙前功次其後績雖事異世殊而尊祖重廟
 之心一也後之為子孫者鑒前人舉事之艱慎毋忽諸
 語合油漆名次臚列于左

光懷油漆正廳五間

長生油漆隱堂五間廊下一二間神櫃一帶

為珮油漆門樓一座

嘉慶庚午春月穀旦

二十世孫邑庠生為發謹撰

建鐘鼓記

詩有之曰鼓鐘喤喤又曰鼓鐘送尸蓋以祭必有樂前
之人功德既深後之人享祀不苟雖庶民之族不得僭
議於王家而寢廟中必建其鐘鼓諒卽凜凜於斯義也
吾族宗祠締造以來祭器燦陳堂上堂下靡不蔚乎可
觀所缺者鳧氏伊耆之制耳迨乾隆戊申春時屆進主
拜祭頌胙而後衆裔惻然動念僉曰禴嘗雖舉鐘鼓
不建其如祭典中萬全之一缺何于是倡之有人和之
有人各傾其囊橐踴躍樂輸支費之浩大若無容過爲
慮焉越仲冬而負歉于東序者簡簡是聞抱缺於西房
者鏗鏗可聽入廟而觀禮器詎猶有嚅漏可指無當於
巨族之規模且春秋兩舉鼓以動之鐘以宣之奔走趨

踰之下來格來歎固足侑于宗公即孝孫有慶降福孔
皆亦未始不於搏擊間隱隱得之鐘鼓云乎哉今當增
修譜牒予愧不文諸先子報本之情未能舉其萬一而
畧贅數語正不忍付諸流水聽其湮沒不傳俾後世子
孫惘然於鐘鼓之所從來也于是乎記

首事名次

澗生

君遠

為善

時遠

秉居

祥火

貽遠

聖儀

不謀遠

樂捐名次

育生助錢拾二兩

為裘助錢拾二兩

又杉木一株

為珮助錢拾二兩

選生助錢六兩

永文助錢五兩

思生助錢五兩

爲敏助錢五兩

爲詩助錢五兩

慧生助錢四兩

盛生助錢四兩

啟壽助錢四兩

爲政助錢四兩

爲連助錢四兩

爲褰助錢四兩

兆祥助錢四兩

勤生助錢三兩

方生助錢三兩

光板助錢二兩

澗生助錢二兩

明章助錢二兩

啟恒助錢二兩

彩生助錢二兩


爲高助錢二兩

爲龍助錢二兩

爲均助錢二兩

爲來助錢二兩

爲紳助錢二兩



爲照助錢二兩

爲日助錢二兩

兆珠助錢二兩

啟福助錢一兩五錢

光允助錢一兩

龍生助錢一兩

茂生助錢一兩

桃生助錢一兩

爲正助錢一兩

爲祿助錢一兩

爲至助錢一兩

爲仙助錢一兩

為傑助錢一兩

為喜助錢一兩

願胙名次

育生結胙錢四錢八分

為裘結胙錢四錢八分

又結杉木胙錢一分

為珮結胙錢四錢八分

週生結胙錢二錢四分


永文結胙錢二錢

思生結胙錢二錢

為敏結胙錢二錢

為詩結胙錢二錢

慧生結胙錢一錢六分



盛生結胙錢一錢六分

啟壽結胙錢一錢六分

爲政結胙錢一錢六分

爲連結胙錢一錢六分

爲褰結胙錢一錢六分

兆祥結胙錢一錢六分

勤生結胙錢一錢二分

方生結胙錢一錢二分

光板結胙錢八分

澗生結胙錢八分

明章結胙錢八分

啟恒結胙錢八分

彩生結胙錢八分

為高結胙錢八分

為龍結胙錢八分

為均結胙錢八分

為來結胙錢八分

為紳結胙錢八分

為照結胙錢八分


為日結胙錢八分

兆珠結胙錢八分

啟福結胙錢六分

光允結胙錢四分

龍生結胙錢四分



茂生結胙錢四分

桃生結胙錢四分

爲正結胙錢四分

爲祿結胙錢四分

爲至結胙錢四分

爲仙結胙錢四分

爲喜結胙錢四分

皆

二十世孫邑庠爲均首誌

嘉慶十五年歲次庚午春月

二十一世孫兆潮謹誌

纂述十五平道六與平春

卷之

卷之


卷之

卷之

卷之

卷之

卷之



議立草簿登生卒序

蓋聞木別千枝循未必先求本水分萬派溯流莫切窮源考世系以別尊卑夔倫攸叙辨宗支而序昭穆禮讓斯興譜之所由作也豈淺鮮哉且也質魯而愚未窺二酉僅識一丁若耕耘若家務茫乎若迷郎譜牒之藝文行列亦懵然罔覺也亡已秋十修宗譜吾父督理譜事晨昏侍側披卷質詢始得悉其大概竊念前人之手跡周詳欲讚一詞無從置喙惟是三十四年之生齒子姓漸繁二十三世之裔孫譜圖未列欲登斯名於版籍當錄生卒以成書雖各房自爲開載刻期彙送公常然其中多所錯誤校集爲難其子孫而識字知書曰某年月吾先祖之誕辰也某日時吾先祖之歸忌也或子孫而

服田力穡善於記憶亦可於傳言意想間得之若夫一
派以下成立者少廢絕者多而高曾祖父之生卒係於
一人之身口言之而躡嚅意度之而恟恍甚至以高祖
之卒誤爲曾之生以伯氏之生誤爲季之卒以孫禰祖
以祖易宗雖後有孝子慈孫監察譜事亦不能不以誤
而傳誤矣且爲此懼敬約同宗共勦盛舉每年設立草
譜一卷通知本族與星散異地者自今伊始凡有生卒
除元旦外約於某月朔日馳報宗祠卽時登記何至二
十年一續三十年一修之候搔首踟躕而嘆查對之煩
擾耶且不敏未敢自專因父與斯事爰執管窺之見敬
以質諸長者而定其可否焉

大清嘉慶庚午孟春月


二十一世孫兆且沐手敬撰

圖 祭 厥 宗 丸 斜

祭

圖

水紅香葉礮
土精血菜菜此
部子莖菜具立
大紅香葉礮



○祭禮

傳曰祭祀之報本於人心聖人制禮以成其德耳是薦
享之儀節本非具文安而行之仁孝之心油然而第禮
有祭綱也人皆知之祭有儀目也人未必盡知因之有
感爰錄成規叅互考訂弁諸簡首願與族人共學焉

○儀註

厥明行事通唱禮生就次拜興四讀祝就次拜興四執事

者各就次拜興四盥洗主人及執事皆盥序立分昭穆整冠束帶

啟櫝三通鳴鼓三通鳴鐘二十司過就次跪香案前告曰祭

考以盡報本之誠其或行禮不恭離席自便與夫一切失容之事違者罰十拜其若違一倍其罰狗情不言五倍其罰祖考如存各宜

恭肅叅神 鞠躬 拜興四 平身 降神 主祭者詣

香案前跪 焚香 一上香 再上香 三上香 行

灌禮 斟酒 灌酒於茅 獻毛血 獻韭 獻芹菜

詣宣讀祝位跪 主祭以下皆跪 讀祝 日時維某年某月朔越十有五

日祀係其等謹以柔毛剛鬣庶饁之儀致祭於神考祖妣之神前而言曰歲序流易時維仲春秋追感歲時闔廟不勝永慕拜請某七祖

考祖妣伏惟尚饗 俯伏 興 主祭者詣神位前 分獻者

詣昭穆位前 引唱 跪

行初獻禮 斟酒 酒奠神位前 祭酒 灌酒於茅

進羨 進饌 俯伏 興 復位 通唱 奏樂 鞠躬

拜興 四 平身 主祭者詣神位前 引唱 跪

行亞獻禮 斟酒 酒奠神位前 進湯 進饌 俯伏

興 復位 通唱 奏樂 鞠躬 拜興 四 平身 主祭

者詣神位前 引唱 跪

行終獻禮 斟酒 酒奠神位前 進饌 進飯 俯伏

興 復位通唱 奏樂 鞠躬 拜興四 平身 主祭者

詣神位前引唱 跪 侑食 通斟各位酒令滿并加筋飲上蓋強勸鬼神使享之之義也

俯伏 興 復位通唱 執事者皆出 闔戶 奏樂

祝噫歆 作歆者三將啟戶所以驚覺神也 啟戶 執事後次 主祭者

詣神位前引唱 跪 薦茗 飲福 詣飲福位即在香案前

跪通唱 受酒 祭酒 祝嘏辭 祝曰祖考命工祝承致多福無疆於汝孝孫來汝孝孫使

汝受祿于天宜稼于田眉壽永年勿替引之來讀作厘賜也 啐酒畧嘗少許 受胙 祝取神前飯授主人主人

嘗 之 主祭者叩首謝恩 一叩首 再叩首 三叩首


四叩首 興 復位 司過舉言 跪香案前告曰氣序流易感時追慕謹以縶牲乃陳

籩豆酌酒于茅進饌而侑尚祈鑑歆是福是祐祀事既畢無過可舉 辭神 鞠躬 拜興四

化財 焚祝 瘞毛血 鳴鼓 鳴鐘 奏樂 執事


者拜 徹饌 禮畢 序昭穆行禮

淶塘陽宅之圖



金華長禧徐氏宗譜卷之

三



十六都淙塘舊名上湖乃 愷九天公號巍峰之裔也
始祖簡齋公自義烏徐塘下遷於長塘卽今祖族傳十
二世 昱九七公自大明嘉靖年間遷於上湖次子九
經公再遷於臨江西畝三子九功公遷於臨江羅村唯
九天公之裔則永居於此焉 昱九七公之墓仍歸葬
本族前墳頭清明祭祀子孫無或有缺雖遷而有一木
之樂舊譜曾有八景詩因重錄之如左
贈道齋翁八景

上湖釣月

不在蛟龍不在鯢迎風夜半過湖西一絲繫在嫦娥月
捧向天河撒釣磯

靈鶴瞻雲

杖藜徐步上重巔
靈鶴踟躕不記年
俗慮豁開纔放眼
白雲引去在天邊

長江渡雪

呼童勒馬到山莊
不辨平洋路渺茫
南北糴成銀世界
滄浪渡過碧玲琅

南山步日

朔風鬢發鬢邊吹
炙手酣醪總不爲
世態炎涼誰破得
此翁獨步日南歸

琴詩樂道

寄傲南窓有甚麼
將琴演句舞婆娑
道人不是尋常子
樂在其中醒睡魔

松竹交青

種竹松間蔭畫堂松風敲動響琅琅竹成正直雲凌子
松作擎天駕海梁

菡萏初開碧水中青香郁郁並頭紅一房結就青心子
不與凡芳別樣紅

蘭桂呈祥

砌下芝蘭壓衆芳桂花偏鬪嫩嬌黃九秋不減三春景
課子呈祥有義方

萬歷丁巳年秋月

眷侍教生金煉成頓首拜撰

峇

乾隆丙寅年孟冬月

邑庠廩生行素安錄梓

淙塘小宗祠記

古者建國於所受分土而立爲封社又必尊崇祖廟以示所親重宗系也子曰武王周公其達孝矣乎夫孝者謂其因例起義自天子以至於庶人皆得循分以致其誠則凡士庶之創立基業垂統後昆建祠奉祖尊尊親親豈非出於情之不容自己者乎夫淙塘上湖徐者

昱九七公之支裔愷五十九天公偕子肇造建營者也公智量豁達才識超羣恢恢然有振衣千仞濯足萬里襟期故於在居堂寢棟宇連綿廊舍綢密爾時祠廟反未有創造者非便安忘本財力莫繼云爾也特以祖族艱於基地未有成祠以故歲時伏臘與親知故舊及子若孫輩言念祠事輒傷心而隱痛之昔維康熙四十

一年祖族大興土木鼎建宗祠於是裔孫洪軒字正如
洪廸字惠如者不勝踴躍歡忭鼓舞作興卜地於陽宅
之左首捐重資以爲諸族人創斯時也近地無大梁
又不憚辛苦酷暑入深山大麓中購求尋覓炎熱薰蒸
遭烈風淫雨者數而二公心力愈自堅焉巨材旣得而
經之營之督工催理日不暇給所以閱一寒暑而規模
鞏固廟貌巍峩儼然天造之區而爲形勝之地猗歟美
哉吾見襟者山帶者水江濤迴繞紆奔靈鶴層巒疊翠
維彼積道諸山魁奇吼啖爲正面之華表嗚呼噫唏祖
靈在天庶幾其少慰矣可惜者爲山九仞功虧一簣精
神以過用而就衰人事因屢荒而日蹇俯時慨事其不
敢問及祠事者與祖族約略相似此未了之心事所以

不得不留補於後人而太息痛悼長抱此恨於沒世豈
得以成事論英雄哉然而傳有之曰明德者維馨又詩
有曰孝子不匱永錫爾類誠哉是言如今日者洪軒公
冢子光祿洪迪公弟侄光駿及光品光鑣等承先人未
竟之基緒竭蹶黽皇以纘成其事是以於雍正八年秋
祖族進主入祠諸祠長謹將 昱九七府君主暨愷悌
忠肅賢良諸考妣主一體禮奠正位列爲昭穆神靈妥
矣乃又以小宗未舉深自惶愧淬勵修整卜吉於乾隆
四年十二月之吉立昱九七府君爲始遷祖其愷悌二
祖則爲遷居之世宗所謂宗以功祖以德也若夫祖族
伯十五府君簡齋公者則又爲百世不遷之始祖焉親
親仁也尊尊義也仁至義盡誼美分明矣子曰夫孝者

善繼人之志善述人之事者也如我叔與我兄弟輩謂
非繼述之善者哉因思乃祖乃父有知當必快然而無
遺恨矣今族修宗譜予生也晚此志此事時亦聞之頗
詳見之真實清雖不敏請得逋述之以爲後世子孫知
識 肯

乾隆十一年丙寅孟冬之吉 族孫邑庠生繼清謹誌

祠長名次叙後

洪軒 洪廸 洪經 洪仁 洪章



洪鵬 洪叙 洪遜 洪達 光御

光行 光祿 光品 光鑣 光煥

光純 光旦 光駿 瑞旭 元宰

八修宗譜爲首名次 光祿 光皎

天 師 阪 陽 宅 圖



卷之三

三

府城西五里許有一派焉土名天師畷其祖尙一府君
居本族西邊傳至十七世順治年間諱際壽字仁甫公
乃遷於此公因祖族多山人煙稠密地田陝隘而喬遷
之志忽起始則房屋數間今則丕創鴻模而成一陽宅
矣其間基址開朗土沃風淳雙溪長江橫其前新塔聳
其左而下天師畷居其右向有天師殿舊址因以名
其地焉遷此僅五世而人丁興旺家業豐饒將來未可
料也雖離祖族八十餘里而清明祭祀從未有缺是爲
記之

皆

乾隆十一年歲次丙寅孟冬月

邑庠廩生行素安記

分遷大陽路宅圖



卷之三

三

金華長城行且定詩 卷之
三
本村係第七世祖英三府君所遷之宅也長英一公遷
後高其裔已星散各處無從聯族今之後高乃明十二
公之後也次英二公後遷枝木塘卽今祖族惟公自東
山遷於此盖有景山與京之願焉其來龍則穿田過峽
有峰腰鶴膝之奇其朝山則喬華掩映有文峰冲聳之
象東則七峰環其左西則天馬威靈排其右且離祖族
僅半里許而土平地曠屋舍儼然阡陌交通鷄犬相聞
歷今十五世矣而風俗古樸如舊是雖遷而有一脉相
傳之樂前未有圖今修宗譜特繪摹如右

皆

乾隆十一年歲次丙寅秋月之吉

邑庠廩生行素安撰

拾遺丁序

蓋天下有或遺之事而因有拾遺之書有拾遺之書而後天下又無或遺之事此雖山海虫魚其委瑣而纖悉者且莫不備載之也况於同在宗族之派同爲宗族之人容可聽其人之已往而行字不獲列於宗譜間乎有心人之所不忍可知已矣吾族始祖自英三府君遷處大路迄於今譜閱八修矣英豪之後各列行字直至肅派而始同其間遺失者蓋百有餘丁非惟生卒之不書甚且行字之缺載遐想當年諒必忠厚靡它子孫衆多星散存沒奈如之何若然者其殆未免頗有乎又或客贅遠鄉椒衍他方豈不懷歸道阻且長如是亦未可知焉今乃行字不獲列於宗譜鯁鯁因仍之說苟有心人


何忍而出此歲至旃蒙協洽九修宗譜之時啟貞啟福
董厥譜事遵前遺教聊以付梓於焉按其像畫而輯之
攷其碑石而錄之闕略者補而曩時之紊次者亦序焉
矣事雖如小而後有覽者平心默揣應念族內之踈者
尙不可憖矧其親焉者耶族內之亡者尙不可忽矧其
存焉者耶族內之無由考据者尙不得不旁搜而切究
矧其卜築郡邑之域序天倫而樂團圞者敢憚跋涉之
勞而不開載其年月日耶凡屬有心之侶族情敦厚誰
弗悠然而動遐思自今日以往入譜之後神返室堂如
有知兮杳杳渺渺出沒隱見庶幾樂聚處獲寧居乎而
前此陰魂漂泊焉而無依伊可畏而亦不必追慮也後
或其派下子姓間來稽譜先高曾之行字尙有存者何

至茫茫遙集慨然太息悔喬遷於異地而恨譜牒之漏
遺亦烏可以已乎不獲已焉而拾遺因作拾遺之序

嘗

皇清乾隆旃蒙協洽良月初吉


本房裔孫邑庠生成臨撰



皇帝於茲到孤寒耐命身且所吉

有皆


鼓世身何以日平本聚言焉而替數因半似



臨江西北陽宅圖



金華長禧余天宗譜



本村離祖族百里許名曰臨江西畝十三世祖九經
公號華峰俱遷十六都淶塘後公之裔更遷於此其地
自下墳頭落脉廻龍顧祖而天溪繞其後焉且地平土
曠俗樸民淳故居斯土者惟遵漢詔幽詩孝悌力田是
務迄今業則豐矣丁則盛矣而詩禮傳家一脉亦未有
替行見雍容禮樂不失吾始祖簡齋公之遺也向未
有圖今十九世孫諱聖俊者繪圖以附壽之梨棗如右

皆

乾隆十一年歲次丙寅孟冬月

邑庠廩生行素安撰

徐氏宗譜凡例

○凡例

三十二條

發凡起例著述之規匪凡無以該其全匪例無以
推其餘故著云云

一譜法歐蘓二公善矣今譜兼遵而爲之蓋圖以別支派
傳以定長幼二者當並行而不悖也

一爲瓜瓞總圖者使知統宗而會元也分註析居者使知
殊途而同歸也止書行名子數而不及他書者欲其易
考世次也五世一提者服以五世而斬也

一譜先系圖首提一世至五世再提五世至九世以此如
之父子相承踈者不得以間親矣譜次行傳不以親踈
爲序惟以年月日時分先後每行皆如之幼者不得以

今華北地... 三
踰長矣圖舉其綱傳詳其目譜之義備矣

一世行傳先父行次子行標父於前序子於下其間先書
行次書名字號官爵生娶卒葬嗣續分遷生平行實脩
載以見一人之始終毋得參差以亂定制且有惡不書
者從厚也無善不書者使空缺而人自警省也

一先世誥勅遺文及碑銘序紀表傳贊詞哀挽詩賦祭文
之類多則別爲一集少則就附譜後所以彰先德也

一孝子順孫義夫節婦俱要著明或作行狀或爲序傳以
永其後以風其世但事必沒世而後定方可書爲勸戒
若其生者姑書其槩以示人與爲善之意爾

一祖父有懋德懿行可以傳芳示遠者務求名公鉅卿爲
之銘誌以垂不朽

一年未五十未可輕爲立傳以防變節古人所謂蓋棺事
定故不得不嚴也

一子孫爲僧道者乃自絕其本宗不入譜也聊書其名者

示異端之戒耳

一子孫干犯十惡爲非者悉削去不入譜也亦不許娼優

以辱宗祏

一譜以明宗系故尤謹於男女之別其有帷簿不修者削

之

一婦人夫亡三十以前至五十清貞不渝婦道悉善者必

詳著其實與節也或奏聞旌表以彰潛德其有婦行不

書者深閨萬里不得其真恐誣也果有實行黎獻足徵

雖中年亦書不蔽賢也

一娶婦必書門第者原其來歷永以紀親戚而脩遺忘也
書婦翁者德其生育有父道也

一婦人改適不書者諱不義也書不卒者以其從他姓而

終也

一娶再醮之婦不書再醮者諱舊惡而從新也

一娶妻四十無嗣方許娶妾前此恐其縱樂也有犯此者
當杖笞之如妾無嗣方許立繼後此恐其無後也不知

立者甚可鄙焉

一立繼必以親支者爲重嫡派也不立異姓者恐亂宗法

也昭穆不相當者不許繼也且承繼必次與幼方可而

冢嗣非出繼者以主器莫若長子而本支尤當重焉且

其立嗣也于其父下必書繼某兄弟第幾子爲嗣于所

生父下書以第幾子某出繼某兄弟爲嗣或有出繼他
姓者於生父行下必書出繼某宅某姓某人爲嗣以杜
後世婚娶之亂

一娶妾者當知一夫一婦乃天地之大義毋以妾爲妻重
正配也毋使牝鷄鳴肅夫綱也

一妾不入譜者避嫡也有子者入錄功也有德者入紀善
也

一女子旣嫁而再適者不書爲親者諱也

一女子出嫁必書處所者明其得所歸也不書生卒以其
內夫家而外父族也抑亦彼夫家必詳書也夫之名必
書者重其配有子道也女所生必書一氣所衍有總服

也

一祖墳墓誌必畫圖形詳書四至畝數字號使子孫永遠
不忘以防外人侵奪也其書附葬者別尊卑也書合葬
者明相配也有附葬不遵昭穆者謂之奪祖法不輕宥
一墳山樹木蔭庇風水不許子孫盜賣偷斫如違者作不
孝治罪

一祭祀田產必詳載土名坵口四至畝分畝保字號使子
孫世爲稽考免致不肖易換侵欺廢祀

一墳圖後必書詳卒葬之吉辰者使後人有所考也祀產
墳庵必書者使永世蒸嘗有賴子孫不敢盜賣以滅祭
也違者先行家法以警衆令其自贖以免六律之條也
一生男三日當稟家長持香燭告于家廟年月日時就登
記簿書排行第如隱匿不報者不容入譜以亂昭穆女

不必報以其長而從夫也

一擇居異鄉曰遷分居同里曰析志離合也不得已而遷曰徙以憫之得已不已從貨從欲曰流以傷之以罪行
者曰逸以幸之

一名諱所以別生分類顯德垂稱豈宜冒犯雜沓今子孫蕃衍宅居散蔓各以已意自名自稱多犯祖諱重名每至乖倫蕪俚不可辨避夫名實已定難於竄易可奈何哉茲除已前刊布外斷然共將一字排行庶亂於前者整於後終不失大家巨族齊名同系體統也非此字類非我譜矣

一三殤不書者爲未成人也娶而殤亡者必書准其成人也

一已故名氏平居須大書懸牌家寢壁以便查考書祝卽
使其人無後一一列名始全一體之愛

一譜中不攀援望族非祖是祖者恐踵崇韜之拜墓也從
實源流考証而自祖其祖者希踪漢臣之不納像也倘
子孫或有不肖將譜盜賣同姓或不謹藏而毀壞或輕
借以致磨刷洗補添註改易開其弊竇者不孝孰甚焉
決不輕貸

一年高德劭而爲家長者收掌宗譜不許無藉之徒妄司
盖有德者執之以正家規也違者重治篇首如無長塘
世誌字印者非此譜也

凡例終

夫所謂法者立標準而嚴約束之謂也蓋國無法不
立家無法不治故緣法以治國必先立法以齊家
一凡民之行以孝弟爲先蓋孝可移以事君悌可移以事
長苟孝悌不立百行雖善不足稱矣甚至取禍鬼神允
嗣不昌縱有子孫必襲惡以報之矣可不勉旃

一父母之恩不可忘也無論十月懷胎腹食母之血三年
襁褓哺飲母之乳卽總角稍長所以周恤其饑寒撫循
其疾苦者無不慤慤也故父雖不慈而子不可以不孝
人能思天下無不是的父母而酬罔極者宜爲之兢兢
彼奴隸而辱罵之者罪不容於死

一父母之心必愛其子或子有過或不作家父母豈不惡
哉古人云父不愛無益之子爲子者當反躬責己勿怨

父母可也

一人無父母此身從何而來今人有知愛其身愛其妻妾
愛其子女甚者愛其臧獲而不愛其父母獨何心歟古
人以對姑叱犬去妻減親之饌埋子何嘗以妻子私奪
其孝也今人能以愛妻子之心愛父母又何冒不孝之
名哉違者家法繩之

一近世子孫多以辦衣食養父母便爲之孝或少愉色或
出誇言殊不知此乃分所當爲烏乎孝昔魯齋云事親
大節日是養體養志致愛致敬四事中以愛敬尤急焉
爲人子者須知此道

一藍田呂氏曰君子之道莫大於孝孝之本莫大於順親
故仁人孝子欲順乎親必先妻子不失其好兄弟不失

其和父母其順矣乎而家道有不成者否也

一父母有數子不可偏愛一有偏則兄弟遂不和矣後日相妬之禍多由此起可不慎歟假令爲子者能順父母之心豈不爲養志之孝子乎

一許魯齋云兄弟同受父母一氣而生骨肉之至親也今人不明禮義生同胞而情吳越居同室而跡路人甚有操刃閔墻相煎太急者可耻孰甚焉凡我孫裔各宜相親相愛重義輕財翕然和同家斯盛矣

一和睦兄弟自有其道一則謹正閨門二則不聽妻言三則義讓財產四則兄寬弟忍五則各不子其子六則勤謹而不相推七毋猜忌以生嫌八毋妄譎以敗度此其大畧也而能慎之兄弟有不和乎

一兄弟不幸而有忿戾卽當一時冰釋不藏怒不宿怨之言可三復也或逢急難宜遄遄往救以敦友愛世有兄弟稍不睦反交外以攻內鵠鴿不若矣焉有靈物者而可然耶

一夫婦人屬易合相親之至也若夫身不正婦必妬之夫家不成婦必輕之是夫不得於其婦也婦身不正夫必黜之婦工不勤夫必怒之是婦不得於其夫也安得相敬如賓乎故夫當正身以率婦婦當正身以從夫克勤克儉兩相自勉則琴瑟調而萬事宜矣天下風化基此矣

一朋友輔吾仁者也損友敬而遠益友宜相親且其締交也在於淡淡則長若杯酒談論傾倒肺腑少臨利害若

不相識此非君子交也倘父輩舊故宜以先輩事之途
遇則執左道禮席會則奉長者先爲子若孫切宜記之
一五倫之道不可不盡試卽物類觀之蜂蟻而有君臣虎
狼而有父子睢鳩有夫婦之別鵠鴿有兄弟之義黃鳥
有朋友之情物尙然而況於人乎故悖逆五倫者天必
絕之禍不旋踵矣且此等惡人先賢惡之生不齒於族
死不服其喪塋不送棺神不入祠譜不書名受罰至此
可不戒諸

一祖宗是吾身之源也忘祖者謂之不孝必也春秋讀譜
祀祖宗之名以時享祭報祖宗之德世以傳世教習子
孫乃爲禮義之家若不重此非人也然則後之人爲祀
先計者量其家業厚薄置立祀產以爲蒸嘗之資可也

毋貿貿焉蹈其舊轍

一宗族長幼之禮不可不嚴不嚴則瀆乎天倫或因慢以成隙因傲以長倨矣宗長恪立教條嚴約必使幼者習揖遜之容隅坐而隨行食菓而取小立則拱而敬之間則起而對不使老者有負戴之勞少者有放蕩之態則宗黨敦禮義稱雍睦矣有不遵者宗長諭之戒之不改過者宗長責之勿使因小而致大家醜而外揚甚有不服家法者宗長齊以官法治焉決不汝宥

一范文正公曰吾宗族甚衆於我固有親疎自祖宗視之則皆子孫也立義田數百石以濟本宗之懸磬者賢哉此公名馨不朽我勸我族當貧乏相周患難相救疾病相扶善相勸惡相規斯爲厚於族者彼有貴害賤賤妨

貴富虐貧貧妬富長凌卑下犯上惡德甚可鄙焉縱使
在生者可欺獨不念祖宗之靈在也異日何顏地下乎
可不戒哉

一訟獄非美事也倘族內有財產之競口舌之忿從家長
及族人之賢明者平剖和釋不可輒擅投聞鄉曲及告
官司致破家蕩產抑且有乖族義其族長務秉公道不
可徇私苟圖饕餐或者理直而外人侮虐之甚力不能
伸者衆宜念宗情各少助以辨明可也如好勇聞狠害
及父母者大不孝也盍懲諸

一柳屯田曰學則庶人之子爲公卿不學則公卿之子爲
庶人旨哉斯言如族中有敏資而不能教者宜獎勸之
以鼓其志資助之以翼其成他日掛青紫榮封蔭未有

不德之者且爲祖增光幽亦有明鑑也其有出任者宜
另置養賢之田以興人才以遺後學
一爲人者至樂莫如讀書至要莫如教子世有但知爭訟
聞靡爲事而不教子讀書此有家者大患也若能以爭
訟之心爲教子之心以闔靡之費爲攻書之資亦何患
子之無成家聲不振哉

一司馬溫公曰養子不教父之過訓導不嚴師之惰父教
師嚴兩無外學問無成子之罪暖衣飽食居人倫視我
笑談如土塊攀高不及下品流稍遇賢才無語對勉後
生力求誨投明師莫自昧一朝雲路果然登姓名亞等
呼先輩室中若未結親姻自有佳人求匹配勉旃汝等
各早修莫待老來空自悔

一 聖諭云爲學之道自當尊敬先生凡有疑問及聽講說
皆須誠心聽受若先生講解未明亦當從容再問毋恃
已長妄行辨難或置之不問有如此者終世不成
一 子孫爲生員者務宜自重遵守卧碑養成大器碑云一
切軍民利病不許建言除本身切已大事情許家人抱
告若非大事含情忍性毋輕至公門

一 士農工商各治一業各安其分如士而恒心力學則榮
享富貴卽農工商賈等亦可豐衣足食各有受用處矣
彼姦盜詐僞掠騙私販起滅詞訟挾制官長欺壓良民
一 應不善之事皆非爲也爲則不安分亡身破家刑杖
徒流所不免者子孫其戒諸

一 游手好閑賭博狐注嫖蕩縱淫夜聚曉散行兇結黨皆

喪家之斧斤戕身之大蠹也各宜禁絕

一耕讀二事人家不可缺一古云有田不耕倉廩虛有書

不教子孫愚二者不務業一藝可也然百藝中莫如醫

道堪輿而學之必須精通始不悞人

一治家之法曰勤與儉故男勤耕耨女勤織紝如大禹有

寸陰之惜陶公有運甓之勞文母有紡績之勤而遊手

好閑者可警矣又汰冗費崇簡約如文子無食粟之馬

晏子三十年之裘鄭母無絲枲之費而紛華靡麗者可

戒矣蓋勤以起家運儉以敦淳風非細故也

一爲人須質直忠厚宅其心正大光明律其身開誠布公

待其人創業垂統裕其後庶幾楨幹一家而翹楚一鄉

乎

一仕宦者如宗祖原少圭田必思祖德之特鍾宜捐宦容
置買脩乃蒸嘗以盡報本追遠之意

一子孫爲仕者忠以事君愛以治民清以持已慎以守法
勤以聽政五者不可缺也能遵此庶上不負

朝廷下不負祖訓內亦不負所學芳名留汗青勒鼎彝蓋未
艾也否則是蕩家法而罹國憲玷官箴而起清議矣其
視爾俸爾祿民膏民脂下民易虐上天難欺之

御製果安在哉盍警諸

一隆師重彥

國家

盛典禮意不可不愍故吐哺握髮則賢士至醴酒不設則
穆生去陶侃之母剪髮高祖之嫂憂羨其賢不肖果何

如也爲子孫者各宜識之

一養子之法子能食教以右手能言男唯女俞男盤革女盤絲六年教之數與方名七年男女不同席不共食八年出入門戶教以小學明洒掃應對進退之節及卽席飲食必後長者始教之讓九年教之數目十年出就外傅居宿於外

一養女之法莫教離母置之深閨課以姆訓治以女紅嫻以四德三從令其毋多言毋妄笑語必細行必緩步止則歛容晝不遊庭夜行以燭近十歲男女不親授受及笄教之必敬必戒無違夫子勤執箕箒善事舅姑逆來順受切莫游畧人家獅子吼聲以失婦道以玷宗風

一冠者教以成人之道男子年十五至二十皆可冠必分

母無期以上喪始可行之而婚也亦然

一嫁女必勝吾家娶婦必不若吾家則彼之事舅姑必執婦道議親者必察其壻與婦之性行及家法何如勿苟慕其富貴以致傲慢可也且始必資媒妁之言重其事也聞諸父母家長明有尊也然後與妻室酌議方可許適甚毋戲言以亂姻盟杜後患可也如旣諾與指腹爲婚者乃緣由天定非富貴貧賤可二三其念也不遵此者噬臍無及矣

一娶婦者逆家子不娶亂家子不娶惡疾家子不娶必擇門楣相對方許結親毋易田土傾囊以攀勢族毋結同姓以亂宗法毋娶僕妾賤女以辱宗風且彼此亦莫論財以傷雅道

一子之嫡庶大分古今昭然總之一本所出無親疎也世有重嫡而些小資產加重者於禮稍似至寵妾愛庶而資業獨私者大失天地公心召孽之媒也奈有挾嫡妬產謀滅其庶弟者是推刃同氣殘酷極甚天理安在又庶子因母鍾愛施施揚揚藐視嫡兄之肥瘠閱墻操戈人心又何存乎爲人父者毋局隅見罔聽枕鈴可也

一喪具稱家之有無不可強爲三日報喪七日成服不可擅行當稟家長以見故家之風俗且父母之喪食粥齊衰疏食水飲不食菜菓若有疾者許暫飲食或素食以而羸憊恐成疾者可以肉汁及脯醢或肉少許助其滋味五十以外則又難以拘矣

一父母之喪中門外擇樸陋之室以爲丈夫喪次斬衰寢

苦枕塊不脫經帶婦人次中門內別室撤去帷帳華靡之物男子無故不入中門婦人不得輒至男子喪次晉陳壽之弊可鑒矣且三年內坐讀禮不當外出或不得已而出必資馬代步者宜乘樸馬以白布裹鞍轡

一子孫蕃衍富貴綿遠皆由風水所致先人枯骨所蔭故當擇吉地以葬父母使其土暖神安於心斯無遺憾不然神骨不寧於原下安望其福庇後裔乎古云得地者昌失地者亡亦大較然甚哉堪輿所當重也而福地神司蓋從積德中來哉盍勉諸

一清明掃墓先於各墓去榛穢高厚增封仍於始塋考妣墓前平曠處掃地爲壇以便拜獻先行四拜禮獻酒讀祝文又四拜焚楮遍掛紙錢各墓有傍附不拘多少依

序列名祝中不得遺落使世世不致迷失

一浮圖之說誑惑人心世間止有讀書登金榜那見念佛
上天堂假令供佛飯僧可免後世剉燒舂磨彼佛法未
入中國之前人固死而復生者何故無一人誤入地獄
見所謂十王者耶其不足信明矣世有超度先人者不
過表孝思也惟以禮祭之爲上施舍修橋路者利人物
也何必聽信僧道誤入迷途爲子孫者須當識破
一示爲民之道以順爲正宜謹服徭役早納糧稅無虧

國課無犯國法無欺國人常頌

太祖皇帝訓曰孝順父母尊敬長上和睦鄉里教訓子孫各
安生理毋作非爲如此斯爲順民否則便爲刑罰所加
身家難保又誰咎乎

